

Juni 7, 2021

www.awemainta.com

www.facebook.com/awemainta

noticia@awemainta.com

583-1400



# AWEMainta

Diaranson awor:

## ARUBA TA RICIBI PROME CRUCERO DESPUES DI INICIO DI E PANDEMIA



**ARUBA** Ports Authority N.V. (APA) ta orguyoso di anuncia cu si tur cos cana debidamente, diaran-son awor pa 8:00 am lo drenta waf e crucero “Millennium” di Celeb- rity Cruises. El a sali for di Sint Maarten y tin Aruba riba su itin- erario.

E crucero lo sali bek pa 6:00 pm, pues lo pasa henter un dia mara den waf di Oranjestad, percuran- do pa e recuperacion economico cu

tanto nos isla ta anhelando.

“Ta mas di un aña cu e operacion na waf di Oranjestad, pa loke ta crucero, tabata practicamente cera. Cu excepcion di algun cru- cero cu a opta pa bin staciona na Aruba, nos no a ricibi ningun pasahero mas desde cu e ultimo crucero a sali di Aruba dia 13 di maart 2020.

Pues e siman aki pa nos ta yena cu emocion y determinacion p’e caminda di recupera- cion”, asina Marc Figaroa, Director di APA a bisa den fin di siman mientras ta supervisando trabounan di preparacion pa yegada di e crucero.

E crucero lo nabega cu trip- ulacion y pasaheronan riba

18 aña vacuna. Siguramente esaki no ta un logro di APA unicamente, sino di un team consistiendo di entro otro APA, Directie Volksge- zondheid, Aruba Tourism Author- ity, Directie Scheepvaart Aruba hunto cu Crisis Team pa prepara y aproba e protocolnan p’asina Aruba por a cuminsa ricibi barco crucero un biaha mas den nos waf na Oranjestad.

E forma cu Aruba ta bin ta mane- hando e pandemia, sigur a duna su fruto, si tuma nota cu esaki lo t’e prome crucero cu lo cuminsa nabega den Caribe desde e inicio di e pandemia y Aruba por tin e honor pa ta parti di esaki. Ta spe- ra e crucero dos biaha pa luna na Aruba, desde luna di juni. A reno- ba henter Celebrity Millennium.



**INVEST  
SECURE**




*We don't just say it ... We Guarantee it !!!*

You can focus on your business

If you leave your security protection up to us.

Call 582-7252 for a free presentation.

Email: [insec@setarnet.aw](mailto:insec@setarnet.aw)



**Market Leader of Business Software in the Caribbean**

**= exact**

**Solutions for:**

- Finance
- Wholesale Distribution
- Professional Services
- HRM, CRM and BPM

**VCC**  
International NV

*Supports All Your  
Business Activities & Processes!*

Tel. 583-7072 | [info@vcc-int.com](mailto:info@vcc-int.com) | [www.vcc-int.com](http://www.vcc-int.com)

Fracaso den maneho riba criminalidad di Gabinete Wever Croes

## A pone cu tin mas “muchacha” canando cu arma den grupo y matando otro

**COMUNIDAD** ta den shock cu asesinato di un muchacha muher di apenas 20 aña kende diabierna madruga a wordo haya den sala di su cas, c’un tiro den cabes, mientras cu diasabra autoridadnan a bay over na detencion di dos hoben di 17 aña relaciona cu e asesinato aki.

Loke ta mas tristo di henter e asunto aki, ta cu e ta otro muestra di un serie di caso di asesinato di e aña aki (5 en total te awor), caminda bida di hende, no tin balor y algún tipo sin escrúpulo ta dicidi di pone fin na bida di un ser humano sin hustificacion algún.

Ya caba e impacto di morto di un damita asina hoben tabata grandi, pero ainda mas impactante ta e hecho cu tin dos menor di edad envolví, hobennan di solamente 17 aña cu a bin haya nan mes awor den un situacion sumamente serio.

Sinembargo e tipo di crimen aki, a cuminsa lanta cabes pa un tempo caba, crimennan caminda arma di candela y arma blanco ta wordo usa y cu ta confirma un situacion social y criminal cu Aruba nunca a experencia den su historia.

Un situacion social caminda ta bisto cu comportacion di hobennan den nos comunidad, ta basta for di control y sin cu ta mira cu algo ta ser haci al respecto.

Gabinete Wever Croes sin duda a faya den su maneho social y criminal den e periodo di gobernacion cu ta cavando, caminda den campaña electoral na 2017, a mal usa morto di dos criatura inocente, como ehempel di un deterioro social y caminda a sigura pueblo cu e Gobierno di MEP aki, lo introduci un plan social pa alivia e presión grandi aki riba comunidad.

Sinembargo awe dia 7 di juni 2021, e plan social nunca a lanta cabes, nunca a funciona y nunca a wordo introduci.

Riba tereno hudicial tambe Gabinete Wever Croes a faya formalmente, sigur ora cu e actual Minister di Husticia demisionario, Andin Bikker na su introduccion, a sigura pueblo cu e tin un plan pa caba cu criminalidad, pa reduci e total di casonan criminal den for-

ma significante.

Awe mesun Minister Bikker aki ta cabando cu su periodo como Minister, ta bezig ta “ruin op de boel” den su ministerio, ya cu dentro di poco e ta for di gobernacion y ta for di política.

Bikker ta bay sin por a hinca un maneho efectivo den otro, a perde cantidad di tempo nombrando un of otro Hefe di Polis, a para mira con hobennan ta bayendo un rumbo robes y nunca a mostra su convivencia c’un pueblo cu ta bibando mey mey di angustia pa tanto violencia den comunidad.

Hobennan ta canando arma, caminda tin varios caso cu Polisnan a logra di detene varios di nan, pero esaki no a reduci e circulación di arma den e grupo di hobennan aki y ainda por corda un caso caminda un damita hoben a pasa los tiro den Rancho y a herida mortalmente e conocido figura Skeet.

Loke mester tabata un chansa a resulta den algo fatal cu e hoben aki mes a lamenta profundamente y cu a cambia su bida tambe y tin otro hobennan cu tambe a bin haya nan mes den problema serio cu husticia pa motibo di tabatin arma den nan poder.

Pa algun tempo caba tin un serie di caso di hobennan cu ta regla cuenta cu otro, sea cu arma blanco of arma di candela te cu morto a cuminsa cay, pero e trend aki ta continuando cu e tiramente sin sentido di e hobencita Petronia diabierna madruga.

Gabinete Wever Croes ta bayendo cas, sin por a cumpli cu otro di su promesanan y aki tin cu mostra den e programa di gobernacion di partido MEP di 2017, un di e prioridadnan di e partido aki, tabata pa “combati criminalidad” loke n’e momentonan aki pueblo sa y ta sinti den carni propio, no a surti efecto.

Ta di aplaudi sin duda e gran trabou di autoridadnan policial cu ta detene dos sospechoso asina rapido, pero bou di ningun circunstancia esaki lo alivia e presión grandi cu tin den comunidad aworaki, pa tanto violencia arma.



# Editorial

## No mester ataca e “trias política”, pero sigur no por permiti un ‘trias política’ partidista politicamente

Pa: Victor (Toko) Winklaar



**DEN** un declaracion duna nan prensa, Hues di Prensa, mr Debby Angela a atende cu e forma con ta criticamente e forma di procede di entre otro Ministerio Publico y Landsrecherche, caminda a papia di persecución político den e caso Avestruz.

Pa gran parti por bisa cu Hues Angela tin rason, ya cu no mes-

ter mishi cu e poder hudicial ya cu e ta base di democracia di e pais, pero na mes momento ta bon pa su persona tambe realisa, cu ta net e base importante aki di nos democracia, t'esun prome yama pa no crea duda den e sistema cu accionnan cu ta cuestionabel den su forma di procede.

Ta di dos eleccion tras di otro cu parti di e poder hudicial a bin ta hungando un rol den un proceso electoral sea hustifica of no, pero den e caso di Avestruz, ta un Fiscal a reacciona riba pregunta di abogado di Parlamentario Benny Sevinger, kende a pidi algo di claridad riba e proceso cu su cliente ta pasando aden.

Aki tambe ta papia di un miembro di e Trias Politica aki cu Hues Angela ta menciona, ya cu Benny Sevinger ta forma parti di e poder legislativo y mas ainda tin cu proteha e institucion aki tambe y no crea duda den un proceso cu ta muestra cu tin politica meti den dje.

Fiscal den su carta na abogado David Kock a muestra cu te n'e momento cu el a ricibi e carta, no tin ningun keho oficial contra di su cliente y cu e proceso ta canando, esta investigacion ta tumando lugar, pero cu e ta kere, esta e Fiscal, cu pa luna di september ainda, lo no t'asina leu pa bisa cu por formula acusacion contra di e Parlamentario. No ta ningun politico a scirbi e carta aki, pero algun dia despues, ata ta sigui Benny den auto, ta bay na un lugar publico pa detene su persona pa intergoracion, despues tur hende a ripara un tipo di “versnelling” den henter e proceso aki.

A piki cantidad di hende, a kita nan libertad for di nan, a laga nan bay, a retene sospechosonan pa casi 50 dia pa

finalmente bay over na detene e Parlamentario hunto cu su casa, loke ta bolbe lanta e sospecho cu e caso aki a haya un tinte politico.

Hues Angela tin rason, mester respeta e trias politica, pero t'e propio institucionnan aki tin cu percura pa nan no crea duda den nan integridad, den nan forma di procede ya cu ya caba na 2017, e caso di Paul Croes a hunga un rol den e proceso electoral y awor net despues cu Minister Presidente Evelyn Wever Croes a dicidi di baha su Gobierno y adelanta eleccion, di repente Ministerio Publico a drenta den “high gear.”

Na mes momento Hues Angela tambe mester ta consciente cu mientras cu tin cu defende e importancia di e trias politica aki, ta mes importante p'e mesun trias politica aki tambe realidad cu nan poder no ta infinito, cu nan no ta forma un tipo di dictadura caminda nan por haci y deshaci con cu nan kier, ki ora cu nan kier.

### INFLUENCIA

N'e momentonan aki y ta di spera cu Hues Angela y coleganan tambe ta mira e parti aki, e caso di Avestruz lo no keda cla pa yega Corte di Prome Instancia pa tratamiento prome cu 25 di juni cu ta Dia di Eleccion.

Un mucha chikito lo compronde cu detencion di Parlamentario Benny Sevinger ta afecta e proceso aki pa su partido y pa su persona cual ta habri caminda cu prolongacion di detencion di e politico, lo continua ya cu Ministerio Publico y Landsrecherche cu ta forma parti di e trias politica aki, lo no kier perde cara.

Ta un hecho cu si laga Benny Sevinger liber prome cu fecha di eleccion, e impacto politico lo ta inmenso pa su persona y lo ta devastador pa tanto e dos institucionnan aki, ya cu nan lo ser acusa cu mas forza ainda, di metemento den e proceso electoral.

Loke a spera cu Hues Angela lo a haci den su conferencia di prensa, ta di muestra cu e bishita di Prome Minister si man pasa na Ministerio Publico, no tabata necesario sigur mira tur loke ta wordo bisa y sospecha, ya cu su bishita a bolbe duna e impresion cu e mandatario y lider di MEP, ta hibando politica den un campaña electoral pa Ministerio Publico.

## ‘E Debate’ cu enfoke riba ‘lidernan y millenials’ ta diaranson 9 di juni pa 7 or di anochi

**BOU** di iniciativa di un ‘grupo di enfoke’ di hobenan local den combinacion cu e team di produccion di e programa ‘Vota pa Ken’ y e team di ‘Xclusivo Magazine’ lo organisa ‘E DEBATE’. “E DEBATE” aki lo tuma lugar diaranson dia 9 di Juni pa 7 or di anochi na Renaissance Convention Center.

E DEBATE lo ta “Hybrid” unda cu lo tin un publico limita presente den sala y pueblo completo lo por sigi esaki via rednan social manera e.o e pagina di facebook di ‘Vota Pa Ken’, ‘Debate Virtual Xclusivo’ y tambe otro medianan local cu lo join e transmision for di 7 or di anochi. Algun di e topiconan cu lo enfoca riba dje ta salubridad, educacion, problemanan social y husticia.

Un total di 10 partido a confirma nan participacion n’e debate aki. Loke ta unico ta cu no ta solamente e lider di partido lo debate, pero tambe un representante ‘Millennial’. Esnan cu a confirma nan presencia ta ACCION 21 (Miguel Mansur y Christian Soto Garcia), AVP (Mike Eman y Gerlien Croes), CURPA (Eric Ras y Ashan Tromp), HTC (Gilbert Webb y Michelangelo Celestijn), MEP (Evelyn Wever Croes y Rocco Tjon), POR (Alan Howell y Patrick Kock), PPA (Lisette Malmberg y Joseandro Chiquito), RAIZ (Ursell Arends y Misha Raymond), RED (Ricardo Croes y Kinsasha Van Der Bliek) y UPP (Seraida Pemberton-Leonard y Yahaira Kuiperi).

E moderadornan p’e anochi aki lo ta den man di un team hopi balansa. Ta trata aki di e presentadornan di e programa Vota Pa Ken, tres hoben, esta Samil Susebeek, Mauro Caralps y Sharkk Gario cu lo modera e parti cu e representantenan millennial y Jaqueline Wernet hunto cu Atan Lee JR presentadornan di e programa Debate Virtual Xclusivo lo modera e parti unda cu e lidernan di partido lo debate.

E ekipo organisador cu ta consisti di diferente ‘young entrepreneurs’ den diferente ramo nan a formula e preguntanan y ponencianan basa riba entre otro decision di Corte, raportnan e.o di SER, Crisisplan, Landspakket, Plan di Educacion Nacional y preocupacionnan di nos comunidad vocifera tanto den median-



an local como social cu lo percursa pa un debate riba nivel y contenido. Tambe mester menciona cu e grupo di organisador a organisa un debate similar cu hopi exito durante e eleccion anterior. Esaki a tuma lugar den Cas di Cultura.

Pa locual ta produccion, esaki lo ta den man di Elite Productions & Entertainment y Elite Studios.

P’e publico den sala ta hopi importante pa mantene nan mes n’e reglanan principal di e.o pa no bini cu material di campaña, material di haci desordo etc. Tanto e publico como e candidato mester mantene respet pa otro.

Unda por mira E DEBATE:

<https://www.facebook.com/votapaken> y <https://www.facebook.com/xclusivomagazine>



## No ta 200, pero cerca di 1000 trahador publico tin cu wordo manda cas pa cumpli cu Landenpakket

**FALTANDO** net tres siman pa eleccion 2021 tuma lugar, keto bay no tin mucho claridad kico ta spera pueblo dentro di algun luna, ora cu realmente ehecucion di e Landenpakket, acorda dor di Minister Presidente y lider di MEP, Evelyn Wever Croes, tuma lugar. Ora cu funcionamiento di COHO bira ordo di dia p'asina pueblo por haya sa kico ainda e tin cu duna, kico ainda lo kita for di dje, kico ainda nan tin cu sacrifica y cu ainda tin hopi asunto cu no a wordo divulga riba e Landenpakket aki. E decision di e lider di MEP pa baha su Gobierno na luna di maart ultimo, a ser considera un forma di gana tempo, di evita cu e tin cu bay over na ehecucion e medidanan cu el a acorda y cu e momento a yega pa introduci esakinan. Cu Aruba sin Gobierno y su Gobierno demisionario, no por a bay over na ehecucion di esakinan y ta algo cu e lider di MEP a considera cu e lo ta devastador pa su oportunidad pa bolbe den Gobierno, pero e tempo aki ta cabando y cu introduccion di mas medida, ta cuestion di algun dia, di algun siman. Mientras cu constantemente e lider di MEP y otro miembronan di su partido ta sigui nenga cu retiro masal lo cay den e aparato publico, ta un hecho cu Evelyn a acorda y forma ya for di 2018 caba, cu e tin cu reduci personal den e aparato gubernamental, pero nunca a ehecuta esaki.

Awor den porta di eleccion e no ta mira factibel pa bay over na haci esaki tampoco, pero den e Landenpakket ta para bon cla cu Gobierno di Aruba tin cu reduci gasto di personal y inicial-

mente a ser muestra cu e grupo cu tin cu bay cas lo ta entre 150 pa 200 trahador, pero awor ta bin resulta cu loke Evelyn a acepta y acorda den e Landenpakket, ta retiro di cerca di 1000 trahador den e aparato publico.

Fuera di e retiro masal aki, e decision di e lider di MEP pa cancela e medida riba remedi pa pueblo, caminda ciudadanonan mes tin cu paga pa gran parti di nan remedinan, ta bin resulta cu e cancelacion aki ta algo temporal, algo pa no perde cara politico y cu dentro di poco asina cu eleccion ta tras di lomba, lo reintroduci e medida aki, ya cu ta algo cu el a acorda tambe cu Hulanda.

Ta un hecho cu tur luna mester reduci gasto medida cu 5 miyon florin y esaki pa aña mester ta 60 miyon, pero ya a tuma medida caba den e servicio cu dokternan tin cu duna na comunidad, pues den e rumbo ey no tin espacio cu por tuma pa cubri loke a wordo cancela temporalmente. Un retiro masal ainda ta sin duda fuera di tur proporcion y sigur hopi

delicado y peligroso mirando e impacto cu esaki lo crea y tur cos ta muestra cu Evelyn e lider di MEP tambe ta na altura di e impacto aki, pero asina mes el a sigui dilanti y sin hiba dialogo cu ningun instancia of gremio aki na Aruba y sin hiba dialogo sikiera pa muestra cu el a haci un intento pa evita algo asina drastico, el a pone su firma bou di e acuerdo aki den nomber di pueblo.

Prepara cu

# Cruz Cora + Aruba



## Lista di Control pa prepara pa Horcan

### Kico ta Horcan

Horcan ta un fenomeno natural cu ta pone biento bira hopi fuerte y ta causa yobida y inundacion

### Con pa Prepara:

- Scucha radio of television cu ta duna informacion di Servicio Meteorologico di Aruba
- Controla bo supply kit di disaster
- Haci cura limpi, kita tur cos cu por bula y haci daño na bo mesun propiedad y di otro
- Sera tur bentana bon y si por pone plywood pa proteha esakinan
- Hise bo frigidaire y freezer na e maximo pa asina e por wanta friu si coriente bai
- Kita tur plug di coriente for di muraya cu no ta necesario
- Planea cu bo famia na unda den cas boso lo bai durante e horcan
- Conoce e area cu bo ta biba pa wak unda ta halto pa bai den caso di inundacion
- Planea cu bisiñanan, ta bo mihor ayudo
- Pone documentonan importante na lugarnan halto of den lugarnan cu no por haña daño di awa
- Desconecta tanki di gas
- Corda riba bo mascotanan

### Kico mi mester:

- AWA - minimo 1 gallon pa hende pa dia pa minimo 3 dia
- Cuminda - minimo pa 3 dia y mester ta facil pa prepara
- Flashlight cu bateria extra
- Radio portatil cu bateria extra
- Pakete di prome auxilio
- Medicamento
  - Prescribi
  - Otro Medicamento
- Telefon celluler cu charger
- Toolbox cu diferente tools
- Lista di tur number di telefon di emergencia y di famia
- Placa Cash
- Productonan desinfectante
- Paña extra
- Regenjas
- Aparato pa paga candel
- Camera (pa saca potret di daño)

### Kico mi mester adicional:

- Cuminda y articulo di baby incluyendo co'i hunga
- Cuminda y medicamento pa hende cu tin mester di cuidu special (por ehempel un enfermedad of incapacidad)
- Cuminda pa animalnan domestico

### Kico pa haci

#### despues di Horcan:

- Keda pendiente pa boletin di servicio meteorologico di Aruba
- Keda pendiente pa awacero pa oranan largo cu por causa inundacion
- Controla bo cas pa daño
- Si cuminsa haci limpi bisti handschoen
- Usa telefon solamente pa emergencia
- Keda Trankilo
- No subi caya si no ta necesario
- Yuda bo bisiñanan si mester

### Kico pa haci si bo corta bo curpa:

- Keda Calmo
- Haci e herida limpi cu awa limpi y habon
- Tapa e herida cu paña limpi of gasa
- Mantene e herida limpi regularmente

### Informacion Importante

- Number di emergencia

**911**

- Polis 100
- Brandweer 529-1108
- Cruz Cora 582-2219



# Morto di Atan Lee a sorprende tur hende

**NINGUN** hende por a pensa cu ora el a subi cama diabierne anochi, cu Atan Lee lo no lanta mas. Tabata diasabra mainta ora cu a nota cu Atan Lee no a lanta, a bay lante y asina a constata cu Atan Lee a fayece den su soña na edad di 4 aña y tabata activo ainda. E fayecimento di Atan Lee diasabra mainta a sorprnde tur hende cu a conoce y tabata un berdadero sorpresa. Pero manera hopi comentario tabata Atan Lee no a molestia ningun hende y a muri den paz di Señor.

Atan Lee ta un persona conocí rond Aruba y den Reino. El a yega di ocupa e funciona di Hefe di Protocol di Gobierno, y sigur un seguidor di Betico Croes. El a duna diferente curso di loke ta protocol y hasta a scribi un buki riba e tema aki.

Atan Lee for di hoben tabata involvi den certamennan di beyeza, manera Miss Tenage International, Miss Aruba y consecuentemente tabata prepara e candidatanan riba diferente tereno pa eleccion. Tambe Atan Lee tabata skirbi, cuminsando tempo di



Revista Amistad.

Y ultimamente tabata scirbi hopi riba e status nobo cu el a bin ta boga pa Aruba, esta pa haya un status di Gemeente Hulandes, pasobra tur esnan cu a sigui despues di morto di Betico Croes no a cumpli cu su deseo y pesey Atan Lee tabata kere pa Aruba bira un Gemeente Hulandes, cu tur beneficio cu esaki lo trece pa Aruba.

Fuera di un devoto di Mama Maria, unda sigur tur aña den luna di october ta organisa e Misa Nacional na Kapel di Alto Vista, haland hopi hende. Pesey ya caba a ta ser bisa cu Atan Lee ta bay haci falta. Atan Lee ta organisa tur aña e Caminda di Cruz saliendo for di su casa pa Kapel di Alto Vista. E aña aki, esaki no tabata por debi n'e pandemia.

No solamente esey, Atan Lee tabata un empresario tambe. E ta propietario hunto cu su famia di Peanut's Restaurant na Playa.

Ora cu a bay lant'e for di soño a constata cu e no tabata reacciona. Mesora a avisa yiunan y ambulance. Pero ya caba el a fayece.

Atan Lee ta un persona conocí rond Aruba y den Reino. El a yega di ocupa e funciona di hefe di Protocol di Gobierno. A duna diferente curso den e área ey. Tabata involvi den certamennan di beyeza, unda e tabata prepara e candidatanan riba diferente tereno. Pero tambe e tabata skirbi, cuminsando tempo di Revista Amistad.

No solamente esey, e tabata un empresario tambe. E ta propietario hunto cu su famia di Peanut's Restaurant na Playa.

Atan Lee tabatin 74 aña di edad, casa y tin tres yiu homber. Y sigur tabata un roadmodel pa sigui. Tabata un placer pa tabata su amigo.

Nos ta expresa palabranan di condolencia y ta desea famia Lee hopi forza den e momentonan difícil aki. Cu Atan sosega na paz.

## ANUNCIO

SETAR ta informa cu lo tin trabounan di mantencion riba:

Diamars 8 di juni 2021 di 7.30 am - 4.00 pm

Barionan afecta lo ta Boegoeroei (un parti) y Noord (un parti).

Nos disculpa pa cualkier inconveniencia.





Banco di Caribe:

# Ta importante pa clientenan activa e tarheta di debito nobo

Lo desactiva tur tarheta di debito bieu entrante 15 di juli 2021

**AÑA** pasa Banco di Caribe a introduci su Mastercard Debit Card. E tarheta di debito nobo ta uno moderno, y ta conta cu sosten di e plataforma di Mastercard y di Maestro p'e cliente por haci tur transaccion cu e ta custumbra cu'ne; swipe y lanta cen rond mundo uzando e fondonan cu e tin riba su cuenta corriente of di spaar.

Adicionalmente, e tarheta nobo tin e opcion cu chip y ta programa pa haci transaccion na un distancia cortico, estilo di 'Tap-and-Go', na un machine di pago.

## Nota Importante:

Banco di Caribe ta pidi clientenan cu a ricibi e tarheta y no a activa esaki ainda, pa haci esaki prome cu 15 di juli 2021 pa por sigui haci uzo di e servicionan di ATM y mashin di pago.

Tuma nota cu despues di e fecha menciona lo blokia tur tarheta di debito bieu di Banco di Caribe cu ta activo ainda. Ta sumamente importante pa activa e tarheta nobo, pa evita in cumbiniencia. Ta pidi cooperacion di tur cliente na Aruba, Bonaire y Curaçao.

## Mas pregunta? Tuma contacto!

Si tin cualquier pregunta relaciona cu e tarheta di debito nobo por consulta e seccion di pregunta y contesta rapido riba [www.ban-codicaribe.com](http://www.ban-codicaribe.com) of yama e departamento di Customer Support na 523 2250.



**PANADERIA DEL PUEBLO**  
*Baked with Love*

**Fresco Tur Dia**

**HABRI TUR DIA DI 6:00AM-6:00PM**

YAMA NOS: 5821915

Guyabastraat #4  
Dakota



# Mas caso positivo di Covid a keda registra

**NO** obstante cu ta diadomingo, cu normalmente ta haci menos test, pasobra poco hende ta test den fin di siman, tog e cantidad di caso positivo di Covid-19 a subi aumeta. No solamente ta analisa e casonan pero e positivity rate, cu p'e ultimo siman tabata hopi abou, hasta bou di 10%.

Departamento di Salud Publico di Aruba (DVG) a informa ayera cu 8 persona a recupera, pero di otro banda a registra un total di 16 caso nobo di Covid-19, di cual 4 ta no-residente.

E cantidad total di testnan ehecuta diasabra n'e diferente localidadnan na Aruba, ta 482 test. Mirando e cantidad di testnan cu a sali positivo, banda di e cantidad di testnan haci bou di nos localnan, ta saca afo cu nos 'Positivity rate' entre nos residentenan ta 25%. Esey ta un di e nivelnan di mas halto den e ultimo simannan.

Mester menciona cu, algun experto tabata teme cu lantamento di e medidanan mucho tempran. Ta sinti cu Gobierno, bou presion politico den pleno eleccion, a opta pa suavisar medidanan coriendo un riesgo grandi cu si comportacion di publico no cambia, cu casonan lo sigui

aumenta.

Ta menciona por lo menos dos scol unda a manda alumnonan cas den cuarentena debi cu tin un posibel "kluster" ey nan.

Un otro experto riba e materia a sigura na nos cu Covid a bin pa keda. Pues cu nos mester por spera cu rato rato e lo lanta cabes atrobe, tanten cu nos no logra vacuna mas ciudadano. Mientras cu ta keda un

grupo cu no kier vacuna, nos lo sigui haya klusternan ta lanta cabes aki aya, cu tur consecuencia cu e ta bin cu ne. Ta pesey, pa awor, e solucion ta keda vacunacion.

Casonan activo di Covid-19 te cu ayera tabata 64, cu ta nifica cu el a subi basta. Algun dia pasa nos a hasta alcanza 50 caso so activo. E cantidad di mortonan relaciona cu Covid-19 ta keto bay na 107 caso

ULTIMO INFORMACION			
Casonan di Corona Virus na Aruba pa 6 di Juni 2021			
6/6/2021	TOTAL	RESIDENTE	NO-RESIDENTE
Casonan Nobo	16	12	4
Activo	64	53	11
Recupera	10886	10009	877
Positivo	11057	10168	889
Negativo	156671	-	-
Getest	168353	-	-
Getest na Airport	116611	-	-
Morto	107	106	1

## Registra awo!

Manda bo e-mail na [noticia@awemainta.com](mailto:noticia@awemainta.com)

## Ricibi AWEMainta tur dia den bo inbox



[www.awemainta.com](http://www.awemainta.com)



[www.facebook.com/awemainta](https://www.facebook.com/awemainta)



583-1400



583-1444



# Chofer cu a bira malo tras di stuur y fayece despues a resulta di ta Tico Croes



**TABATA** diasabra mainta alrededor di 9:00 am a pidi presencia di Polis n'e T-kruising di Sero Alejandro na Savaneta, net na altura di Huang Bo Minimarket, cerca di e cas Savaneta # 219-E, pa un accidente. Aki un auto marca Kia modelo Rio color blau numera A-36413 biniendo for di pariba a bay dal straight den un cura di cas.

N'e momento ey, por a nota cu e chofer a purba reduci velocidad, pero no por a evita di dal den cura di cas. Ora cu Polis a yega, nan a constata cu e chofer no a reacciona y a conclui cu e mester a bira malo tras di stuur y a fayece.

Ta trata di un homber di 56 aña di edad, naci na aña 1965, cu a bira malo tras di stuur y fayece. Famia n'e sitio a identifik'e como Tico Croes, kende ta biba na entrada di Yaraweg, Savaneta.

Pa 10:00 am dokter Textier a constata morto di Tico Croes. Ta sospecha cu e victima lo a sufri un atake di curazon masivo. Daño material ta considerabel.

Polis no ta consider'e un accidente cu morto den trafico, p'esey mes Ministerio Publico no a tuma e culpa den beslag.

T'e awor tin solamente un solo morto den trafico pa aña 2021. Condolencia ta bay na famianan di Tico Croes di 56 aña.



## INTERUPCION DI CORIENTE:

En conexion cu trabaonan necesario, coriente lo wordo interumpi:

Diaranson 9 di juni, 2021 for di 8:00 a.m. te cu 2:00 p.m. den vecindario di:

- Hato (un parti)
- Pos Abao (un parti)
- Bubali (un parti)
- Cunucu Abao (un parti)
- Caya Ritmo (un parti)
- Danza (un parti)

Elmar ta pidi disculpa pa e inconveniencia cu e interupcion di coriente aki por causa.

DANKI PA E  
COMPRENSION

 **ELMAR**



# Payroll Pro HRM ta yama bon bini na Radisson Blu Aruba

DIAMARS dia 1 di juni ultimo, e marketing team di Payroll Pro HRM a pasa bishita e resort mas nobo na Aruba, esta Radisson Blu Aruba, cu a bira cliente di e programa dos luna pasa.

A sinta bebe un dushi cappuccino cu Jouraine Vrolijk (HR manager) na Sunset Bistro, e rooftop restaurant cu tin un infinity pool y un bista incomparable riba e lama y horizon di Aruba.



Jouraine ta splica con a yega na Payroll Pro: *“Ora e management team a puntrami cua programa ami ta recomenda pa Payroll y HR, logicamente ami a propone Payroll Pro. Ya caba mi tabatin cuater aña trahando cu e programa, for di e tempo cu mi tabata traha como HR supervisor na The Ritz-Carlton Aruba, y tambe como HR manager na Bonaire pa Marriott International. Mi sa kico mi por spera di e programa y di e servicio di Payroll Pro HRM. Pa mi e tabata e unico opcion.”*

Ora a puntra Jouraine con ta bayendo cu e programa mes, Jouraine ta aña: *“Nos tin actualmente dos luna trahando cu e programa y e servicio di Payroll Pro HRM ta hopi bon. Semper por yama si tin cualkier pregunta y mail ta wordo contesta hopi liher. Pa mi tabata hopi importante pa cuminsa di biaha cu e HR module hunto cu e parti di payroll, pasobra e ta necesario pa controla y keda up-to-date cu tur informacion di empleadonan. Y e portalnan ta yuda elimina tur e paperwork, nan ta hopi facil pa uza, y como manager pa wak tur ausencianan ta hopi overzichtelijk.”*

Jouraine ta comenta kico ta spera den futuro: *“Ainda nos ta den e pre opening fase, pero por ripara si cu e mercado a cuminsa lanta bek. Nos ta premira cu nos ta bay tin hopi*



*mas huesped, pues, mas empleado y usarionan di e programa. Ora nos ta zover mi lo organisa un training di Payroll Pro HRM on-site pa tur e empleadonan.”*

Radisson Blu Aruba, a habri oficial dia 2 di april 2021 y tin 132 kamber espacioso y moderno cu cushinanan ful ekipa. E propiedad tin en total 4 pool, di cual un di nan ta situa riba e rooftop conhuntamente cu e restaurant Sunset Bistro, cu t’e lugar perfecto pa organisa un cocktail event, of cualkier otro evento.

Como Radisson Blu ta un upper-upscale resort, e balornan fundamental di hospitalidad ta resalta den e servicio brinda dor di e management team y staff local, hoben y sumamente profesional.

Payroll Pro HRM, e programa desaroya na Aruba dor di programmeurnan local, ta existi desde 1993 y t’e software di HR y Payroll mas uza na Aruba y Caribe en general.





# CaribResearch ta preparando un Agenda di Investigacion 2021-2025 p'e 6 teritorionan Caribense den Reino Hulandes

**CARIBRESEARCH** ta un fundacion di investigacion no gubernamental independiente estableci na Aruba na 2018 y registra na Camara di Comercio di Aruba. CaribResearch t'e prome y te ainda e unico fundacion di investigacion cu ta representa e 6 teritorionan Caribense den Reino Hulandes: *Aruba, Corsou, Boneiro, St. Maarten, Saba y Statia*.

E 9 miembronan de directiva di CaribResearch ta profesionalnan academico local cu experiencia den investigacion y conocimiento y comprension profundo di cultura, historia y realidad local di e 6 teritorionan. E Cuerpo di Consejo di CaribResearch ta forma pa experto den investigacion y lider academico di Aruba, Corsou, Puerto Rico, Hulanda y Merca.

CaribResearch a asumi e responsabilidad pa haci investigacion di calidad halto, culturalmente relevante, eticamente responsabel, sistemico y integra.

Meta ta pa sirbi e resiliencia, progreso y soberania di e comunidadnan di e teritorionan Caribense den Reino Hulandes. E privilegio y e responsabilidad pa inicia, realisa, coordina y interpreta investigacion local ta principalmente den man di experto di investigacion local.

Ta nan ta compronde e fenomenonan local mihor y tin e derecho fundamental pa genera y duna sentido na e conocimiento y comprension necesario tocante fenomeno social local. CaribResearch ta creando un organisacion fuerte cu por asumi e responsabilidad aki.

Actualmente CaribResearch ta conta cu un grupo di alrededor di 15 coordinador di area di investigacion y 20 miembro di e "comunidadnan di investigador" cu ta organisa rond di e 5 areanan di investigacion. Nos comunidadnan di investigacion tambe lo inclui experto di nos diaspora den exterior.

Despues cu presenta su Agenda de Investigacion 2021-2025, CaribResearch lo drenta den un siguiente etapa den cua lo ehecuta proyec-

to di investigacion na forma structura y lo fortalece mas ainda e competencia local di investigacion den diseño y metodologia di investigacion, tanto cuantitativo como cualitativo.

Tambe lo crea cuadro conceptual relevante y organisa seminario tematico. Ademas lo inicia proyecto di colaboracion entre CaribResearch y organisacion local, regional y internacional. CaribResearch pronto lo lansa su website pa mantene tur esnan cu ta interesa den su actividadnan di investigacion bon informa.

Directiva di CaribResearch ta consisti di e siguiente personanan: *Lydia Emerencia, PhD, Presidente, (Bonaire); Richenel Ansano, MA., Vice-Presidente (Curacao); Jessica Berkel, Msc., Ssecretario (Statia)*



## JOIN OUR AWARD WINNING TEAM

Ranked among top 10 Hotels in the World by TripAdvisor  
Featured in top 10 Hotels in the Caribbean by Travel & Leisure



**Interested in joining our Award-Winning team?**  
Please visit our website and career page to learn more about us  
and the requirements we are looking for! [www.bucuti.com/careers](http://www.bucuti.com/careers)

### FOOD & BEVERAGE

Food & Beverage Manager  
Executive Chef  
Assistant waiter - Dinner  
Beach Attendant

### FRONT OFFICE

Wellness Specialist  
Concierge / Front Desk Agent  
Front Office Supervisor  
Doorman M/F

### HOUSEKEEPING

Housekeeping Supervisor

### EXCELLENT BENEFITS

Competitive salaries, health disabilities- and life insurances, dental- and vision insurance, associate's wellness program, various bonuses, loan availability

Proof of Covid-19 vaccination is mandatory.  
Bucuti & Tara Resort is a smoke- & drug-free work environment.  
Applicants will be submitted to a pre-employment drug test  
Please send your application letter and resume by e-mail to [jobs@bucuti.com](mailto:jobs@bucuti.com).  
For more information please contact our HR department at 583-1100

# Resumen di Premio Nacional di Teatro otorga pa Departamento di Cultura Aruba

Conhuntamente cu Ministerio di Cultura Aruba for di aña 2005 te cu 2021

**MANERA** ta custumber, tur aña Departamento di Cultura Aruba ta organisa e actividad teatral di mas grandi na Aruba cu ta relaciona cu Celebracion di Dia Mundial di Teatro. Anexo n'e programa di celebracion, cada aña ta otorga e Premio Nacional di Teatro na un persona, grupo of fundacion cu a traha y cu a contribui grandemente cu e desaroyo di teatro na Aruba.

Pa loke ta trata e aña 2020, na unda nos a confronta cu'n aña di Pandemia; no por a haci e celebracion aki, motivo pa cual a opta pa otorga e Premio Nacional di Teatro "Reconocemento Special di Bida Largo" e aña aki na: Cas di Cultura Aruba's Cultural Plataform since 1958, pa su Celebracion di mas di 60 aña na servicio teatral, tur aporte, congreso y proyectonan asina balioso den cooperacion pa lanta arte di tarima aki na Aruba y pa nan reconocimiento y trayectoria, tanto na nivel nacional como internacional.



Na aña 2021, a ser otorga e premio aki n'e Directora, Actriz y Escritora di Teatro, sra. señora Lenie Jeandor, pa su trayectoria y excelente aporte den e mundo teatral y p'e valioso publicacion di su 2 buki: "Manual pa Escenario".

Algun di e Premionan aki otorga den pasado tabata lo siguinete: Na aña 2005, A tuma lugar e prome Celebracion di Dia Mundial di Teatro y a presenta full un siman teatral, na unda e grupo di teatro local MASCARUBA a bay cu e prome Premio Nacional di Teatro, como reconocimiento pa nan 44 aña di existencia den e aña ey y

p'e trabao incansabel y p'e desaroyo di teatro den nos comunidad y nan representacion na nivel nacional y internacional.

Ademas e grupo aki a lanta for di mesun aña cu a tene e celebracion aki, mundialmente.



Na aña 2006, e autor, critico, actor, periodista y director di teatro señor Juby Naar, a bay cu e reconocimiento aki bon mereci pa su valioso aporte y añanan di experiencia den e area artistico aki, contribuyendo grandemente den e mundo teatral den nos comunidad.

Na aña 2007, e maestro, directora y actriz señora Amy Lasten a haya e reconocimiento aki pa su incansabel aporte y trayectoria trahando specialmente cu hoben y su dedicacion como maestro di teatro. Ademas señora Lasten a traha, durante su funcion di encargado di e Seccion di Teatro na Instituto di Cultura Aruba, diferente tayer y festival, manera FESTESECO cu a crea un impacto exitoso plantando un simia grandi den curason di diferente hoben cu awendia ta desaroyando nan mes grandemente den e mundo aki.

Na aña 2008, e autor, director, actor y compositora señora Carmen Herrera y grupo teatral Kibrahacha a konkista e logro aki pa su añanan di experiencia y representacionnan na nivel nacional e internacional, na unda a registra diferente obra den un forma magistral den un buki cu ilustracion y

>>



<< cantica cu a uza den cada obra.

Na aña 2009, e autor, director y actor, señor Oslin Boekhoudt (dfm), a conkista e logro aki pa tur e añan an di experiencia y dedicacion pa cu teatro na nivel nacional y internacional. Un lista di cantidad di obra a ser dirigi exitosamente pa su persona, ademas di a gana e confiansa y respet di hopi hende cu a consider'e e Tata di Teatro na Aruba.

Na aña 2009 tambe a ser entrega e "Reconocemento Special di Teatro di Bida Largo" cu cada lustro lo ser otorga na un persona, cu a dedica henter su bida na servicio di teatro, pa su trabao, sacrificio y aporte den e campo teatral.

Pa prome ocasion, e tecnonan di Cas di Cultura Aruba, señor Richard Hopmans y señor Rolande Bryson a bay cu e codiciado y excelente titulo aki.

Na aña 2010, e reconocemento aki a ser duna n'e Presidente Internacional di Teatro Amateur: señor Leo Tromp, kende tambe a fungi pa hopi aña como Presidente di IATA y FUNDARTE.

Na aña 2011, e reconocemento aki a ser duna na e comediante sr. Vale Croes, (dfm), kende tambe a celebra su 50 aña como un di e mihor comediantenan na Aruba.



Na aña 2012, a keda na nomber di: drs. MIRTO LACLE, GESTOR CULTURAL, "Un homenahe na cultura y cuentanan di Compa Nanzi, 1952 pa 2012" y cu e proyecto y ciclo multidisciplinario presenta na Cas di Cultura den luna di maart 2012 titula: CAS DI CULTURA COMBERTI DEN CUEBA DI COMPA NANZI" cu a encera 4 proyecto den uno.

Na aña 2013, a ser otorga e premio akin a señora Diana Antonette, den su Hubileo di 45 aña di actriz y 30



aña Directora di Teatro di Danza Arubano.

Na aña 2019, despues di 10 aña lo otorga e Premio Nacional di Teatro "Reconocemento Special di Bida Largo" n'e actriz, comediante, productor, escritor di teatro, sra Faritah Luidens cu su celebracion di 50 aña den farandula cu su mega produccion "Ken ta Basha Abou" presenta conhuntamente cu Cas di Cultura na unda a resalta su personahe Tica Basha Abou cu su persona ta representa y tambe den e mesun rosea duna 5 Reconocemento Special na 5 grandi veterano di teatro cu lo ta trahando directamente cu Faritah Luidens den su produccion manera ta: Luty Martinez, Yvonne Spellen, Magda Nicolaas, Harold Pereira y Elsa Krosendijk.

Masha Pabien na tur persona cu ta forma parti di e lista aki y tambe nos ta spera cu pueblo por duna libremente e recomendacion p'e Premio aki cu lo ser entrega na aña 2022.

Manda boso peticion cu e motivacion di e nominacion y biografia di e persona, organizacion, maestro, actor, productor, grupo escritor, etc, na Departamento di Cultura Aruba y ban sigui duna reconocemento den bida na tur protagonista cu ta traha incansabelmente pa mantene e arte di teatro na halto.



No mas mentalidad di ping pong

## NO MAS MEP OF AVP

Pa: Professor Earney Lasten PhD MA MSC



**FALTA** poco díanan pa bai urna electoral pa deposita bo voto. Corda no haci e mesun error cu pasado a siña nos. E Gobierno den su prome gobernación sea ta cu AVP of MEP ta purba haci lo mihor, pero den e di dos tanda e patronchi

ta cambia y bira un gGobierno golos cu poder. Mi persona a yega di vota p'e parti emocional y custumber liga na kico además MEP a haci pami den tempo di Betico y Nel. Awe tur dos partidonan, esta MEP y AVP a para bira otro ehemplo egoísta pa país Aruba.

Honestidad y integridad no tey mas den tempo di nos ex mandatarionan. Awor, politiconan ta purba mas tanto yuda bou mesa y crea formulanan di corrupción cu ta aparenta legal. Si papia di AVP, tur hende sa cu den día cla a "horta" país Aruba via amigonan. Tin Ministernan y nan amigonan a bai cera y ainda falta mas. Den pasado algún tabatin e suerte di no ser persigui mas, pero ta keda cu e seyo y marca di ta corrupto. Pero tog pueblo a vota pa nan y a dura hopi pa saca nan afor di gobernación. Ken por bisa cu e mala maya a cambia di AVP?

Mi sa cu tin hende, ni kico malo AVP haci, tog ta sigui vota pa nan ya cu e político ta bisiña, amigo, etc. y ta gusta un custumber of tradición cu ta partido grandi so sa goberna. Esaki ta un problema di mentalidad ping pong. Si, papia di MEP, e ta un

partido di medidanan premedita cu ta trata di pinta cosnan bon. Mi ta duna un ehempel. Ta kita hende di Gobierno, ta baha gasto directo di Gobierno, ta pone belasting, etc. pero, di otro banda, ta busca consultants, famianan, amigonan cercano cu ta fiel na nan pa duna proyectonan y negochi pa trabou.

Dus, e gastonan halto di e maneho di Gobierno ta keda halto. Uno ta horta sin give a them, y e otro ta play wise y tambe ta tuma un omweg bin bek cu e peso di medidanan riba pueblo humilde di Aruba. Dus, tur dos ta mescos. Compatriotanan, votadornan, e bolo cu nos mes ta prepara cu nos mes ingredientenan ta di nos mes como donñ. Nos tin cu presta algún gobernantenan pa un prijs cu nos mes tin cu paga pa nan tuma nos bolo, come esaki, y kisas parti cu nos tur. Esaki yama bo voto sagrado cu abo y nos a laga goberna y dirigi un país. Es mas, ta bai tin hende sabi cu un setup ken por y lo goberna. Tur politiconan ta purba score punto.

Den e ultimo elección, a bin un coalición. Den mi opinión- danki Dios, pero no ehemplar. Analisa bon kende y con e cartera nan a wordu poni riba un wega di schaak. Por ehempel, ta duna un Minister tres cartera pa score mas punto cu esun cu tin un cartera of cartera inpopular. Naturalmente tin un desequilibrio si duna otro mas pa score y crea un percepción comosifuera e Minister di tres cartera a traha bon. Normalmente ta departamentonan di Gobierno ta traha p'e Minister, no e Minister mes. Por ehemplo, Aruba Tourism Authority t'esun cu ta yuda den turismo of e Minister? Puntra bo mes con e marketing pa bo kere ta tuma lugar.

Desde comienzo tur hende sa cu MEP cu ta pronk cu integridad (e idea a nace di otro partido) a bai goberna cu dede largo estudiante di AVP- Otmar Oduber. POR ta y tabata un lapilapi cu hopi placa pa cumpra hende. >





< E no tabata un partido sustenibel, pero no tabata por otro. A baha Gobierno di e forma aki diripiente pa score zetels di POR. Kier mandato absoluto cual mi (y nos) ta contra. Venezuela y China tambe ta purba goberna nan so.

E patronchi di historia ta cu AVP y MEP, den e di dos Gobierno a y ta bira golos y goberna malo. Dus pakiko keha despues atrobe? Enfin, pa algun, ni si MEP tratabo malo, MEP bo ta keda pa motibo di custumber. Ami ta basa mi expertisio, experiencia y prueba cu MEP no ta Betico ni Nel mas. Of e ta ainda Betico y Nel pa motibu di nostalgia? Tampoco AVP ta famia Eman di antes mas.

Mi a yega di vota solamente MEP. Pero no mas. Otro partidonan tambe a cuminza di zero mescos cu MEP y AVP a yega di ta no-existente. Djis imagina bo mes un día un Gobierno sin MEP, y sin AVP. Tur hende lo conta y mas transparencia lo tin. Mi ta haci un yamada extenso pa pensa bon prome cu vota.

Bo tin hopi chance di lamenta mañan. Historia a demostra esaki den pasado. Kico abo tin di perde, di purba hendenan cu no ta basilabo, gañabo, hunga politiek, etc. manera Raiz, PPA, etc. (cu excepcion di POR).

Mi ta haci un yamada extenso pa nos tur bin hunto cu mas nos crea swing votersnan cu ta sali di MEP y AVP. No rabia cu AVP y kere ta MEP bo mester ta of viceversa. Ban haci e otro partidonan grandi cu zetels unda no ta un Gobierno so di MEP y AVP tin.

Pasobra, esaki lo crea un sorto di mi ta yuda esnan cu a vota pami so. Hopi peligroso pa pone tur e webonan den un macuto so.

Awor si nan mester bo voto. No vota pa un number, leter, un cantica, of un bril. Abo mes por wak bon y bo cartera y pan riba mesa tin mas balor. Vota sin partido Ping, sin partido Pong. Nan ta dal e bala mescos. Nos no kier tende e mesun storianan di lamento después.

## Varios unidad policial a bay Calbas pa pelea formal dilanti un bar restaurant



**DIASABRA** den oranan di merdia pa mas o menos 3'or varios unidad di Polis a wordo manda dilanti 99 Bar Restaurant (ex Golden Buddha) pa un pelea grandi.

Na yegada di prome patruya, ya esnan cu tabata bringando a bandona e sitio, Polisnan por a constata boternan kibra riba caminda. Agentenan n'e sitio a acerca habitantenan cu a presencia tur cos.

N'e sitio nos tambe a papia cu testigonan. Segun nan version taata un bringamento formal entre dos grupo. No por bisa si nan a topa otro pa casualidad eynan of si nan tabata sigui otro.

Di un otro angulo habitantenan a conta Polis cu nan lo a mira un arma di candela, riba un di esnan bringando.

Polis a tuma tur dato y tambe locual hopi hende no ta lubida, cu na mayoria establecimiento tin Security Cameras. Pues Polisnan tin un bon bista di kico tur a pasa y tambe e vehiculonan involvi.

Por spera mas problema entre e personanan aki.



Pasobra no a honra su status

# “Son of the spil” cu a retorná su pais pa traha a gana caso contra gobierno

**PHILIPSBURG** - Menos mal ku un ‘Son of the soil’ di Sint Maarten ku a retorna su pais pa traha pa despacho di Prokurador General no a resigná ora ela reklamá su derecho komo ‘ex patriate’ i ku awor a habri kaminda pe demanda gobiernu pa Naf. 27,251 florin ku el a pèrdè di gana pasobra Belasting no a honra su derecho.

Minister di Hustisia tambe a faya den e kaso aki sea pa ignoransia of falta di konosementu di regla ku e no a informe ex patriate na tempu di su derechinan.



Pa kolmo, ora ku el a hiba gobiernu Korte, Hues no a duné rason den promé instansia.

Pero el a persisti i den Korte di Hustisia el a haña rason i awor por laga un Hues Civil atendé su reklamo.

E èks empleado na despacho di Prokurador General a sufri perwisio pasobra Minister no a informé na tempu ku tin un dekreto di expatriate ku a konta pa su persona. I esaki ta trese nos na e konsepto di areglo di ex-patriate.

Hopi biaha hende ta lesa of tende na radio e palabra areglo ex-patriate sin sa kico e ta nifiká.

E ta un areglo fiskal (belasting) ku

tin komo meta pa atraé trahadornan eksperto for di otro pais ku si otro manera lo no a bin traha pasobra sistema di belasting no ta faborabel pa nan.

E areglo ex-patriate ta kontené regla pa kalkulá kuantu Loonbelasting e ex patriate tin ku paga riba su salario i kompensashonnan èkstra.

E ta konta pa trahadornan ku ta eksperto riba un tereno i ku no tin den nos pais riba merkado laboral. Ta trata di un areglo ku a keda dekretá dia 1 desèmber di 1998.

Komo resultado di un kaso di Korte di Apelashon a adaptá e areglo 12 aña pasa i awor yama Beschikking

ex-patriates 1998.

## KONDISHONNAN

Pa bin na konsiderashon pa haña benefisio di e areglo, e empleado mester a biba sinku aña konsekuativo den eksterior i no den su pais natal. E mester a studia un profeshon akademiko kual no tin na Sint Maarten i por lo menos sinku aña di eksperensia.

E mester gana un salario di por lo menos 150.000 florin pa aña. E èks empleado di despacho di Prokurador General awor por kuminsa su demanda pa kobra Belasting plaka ku nan a kobre di mas.

**Ricibi Awemainta tur dia den bo Inbox**

Registra awo!  
Manda bo e-mail na  
[noticia@awemainta.com](mailto:noticia@awemainta.com)

**GRATIS**



Ramon Chong mes a habri berput

## Formadó a fluit Ramon Chong bèk: “Off-side”

**WILLEMSTAD** - Un reakshon verbal furioso i eksplosoivo i hasta bergonsoso tabata reakshon dje kandidato pa ser postulá komo Minister di Ekonomia den e posibel koalishon MFK/PNP riba e desishon di Formador di gobiernu mr. Chester Peterson, kende no a presentá Ramon Chong su postulashon komo Minister den e Gabinete.

E reakshon a laga un sabor amargo serka mayoria di hende ku a tende i mira kon e ‘wannabe’ Minister a fulminá kontra e desishon ei.

Porcierto ku e èks kandidato komo futuro Minister mes a anunsiá ku e no por wordu presentá komo un Minister pa forma parti di e Gabinete nobo ku próksimamente lo tuma asiento.

E desishon di Formador ta basá riba e hecho ku Prokurador General a raportá na Formador ku aparentemente ainda tin

informashon di Chong den su registro di karchi di kastigu i e sistema di “strafblad” den e servisio di dokumentashon di hustisia, ku ta data di aña 2003.

Konsekuentemente segun lei di screening, Formador no por a presenta su persona pa por bira Minister.

Ramon Chong ta lamentá esaki i aktualmente e ta studiando mas aleu e informashon den e karta risibí.

Anteriormente Chong a deklará ku el a konsiderá un eventual rehaso di su kandidatura, pero a disidi pa postulá su mes despues di a konsultá ku un èks Formador di gobiernu, Glenn Camelia, èks Gezaghebber i èks Minister Stanley Betrian i Rutsel Martha kendenan lo a garantisá Ramon Chong ku e ta pasa screening di servisio di intelighensia di Korsou.

### BERPUT A HABRI

Despues di tirada di Ramon Chong den medionan di komunikashon mesora reakshonnan a kuminsa invadi medionan sosial prinsipalmente relatando fechorianan ku Chong a kometé den su pasado politiko den seno di Partido Nashonal.

Un komentaria a refreská memoria di opinion publiko relatando tempu ku Ramon Chong i su amigu del alma Gerrit Schotte a hasi un biahe super de luxe pa



diferente pais pa atraé invershonista.

E outor dje komentario ta rekorda manera ta ayera kon e dos ‘holgazannan’ a bai bishita dos prins Arabe, kendenan tabata nèchi sintá steif manera ruman ohochi riba stul lomba règ pa atendé ku e dos representantenan di Kòrsou, kendenan tabata bentá riba sofa ta ‘bende’ Kòrsou papiando ku nan mannan.

I kon nan a splika e Arabenan kon basta nan haña un komishon pa regla tur deseo di e Arabenan.

Tabata un bergwensa pa Kòrsou te ku dado momento e Arabenan a lanta kana bai laga Chong ku Schotte.

Tur hende por a mira e imagen aki na Telecuracao.

Un puesto ministerial sigur e tempu aya i posiblemente hoy en dia tambe, ta manera di gana plaka sin eskrupulo.

Braam sikiera a hasi lo korekto i a tene honor na su mes pero a pasa 20 aña i Chong no a siña nada.





It is with immense sadness in our hearts that we say goodbye to our beautiful baby boy.  
Your time on this earth was short, but so powerful.  
Some people only dream of angels, we held one in our arms.  
You were wanted and loved before you were born, and you will be forevermore.  
Thank you for choosing us as your family.  
See you soon, our little warrior.



## RONIN EUGENE NOLAN KAERSENHOUT

29-09-2020 – 25-05-2021

Mommy and daddy:  
Gaby de Mey and Jermey Kaersenhout

Sister: Amelia

Cousin: Joviënne

Grandparents:  
Nadja and Silvio de Mey  
Jeanna and Mario (Chinto) Kaersenhout

Great grandparents:  
Carla and Ron Speyer  
Maria and †Segundino de Mey  
Marina and †Fernando Kock  
Filomena and George Kaersenhout

Aunts and uncles:  
Nicky and Derron de Mey  
Jeanella and Joshua

Great aunts/uncles:  
Danielle and Rossy and family  
Amy, Iomar and Ainsley  
Tico, Aida and family  
Lisette, Jos and family  
Yvonne and family  
Marlyn, Rafael and family  
Marjorie, Simon and family  
Hans, Reina and family  
Jeanette and family  
Jacky, Orlando and family  
Erwin, Xiomara and family  
Glenn, Jael and family

Y demas famianan: de Mey, Kaersenhout, Speijer, Kock, Croes, Ras, van Bergenhenegouwen, Kelly, van Eenennaam, Geerman, Christiaans, Koolman, Dirks, Boekhoudt, Dijkhoff, Rozijn, v/d Bovenkamp, Lammers, Langeveld, Auf dem Brinke, Kock, Dirksz, Garrido, Tromp, Maduro, Pastor, Palm, Donker, Lopez

Nos ta pidi disculpa si den nos tristesa nos por a lubida di menciona algun familiar.

Ta invita pa e acto di despedida cu lo tuma lugar diamars 8 di juni 2021 di 9'or pa 11'or di mainta na Aurora Funeral Home, despues saliendo pa Santana central na Sabana Basora.



"Señor ta mi wardador, mi'n tin falta di nada  
Den cunucu di yerba berde e ta ponemi sosega.  
E ta hibami na awa trankil,  
Pa mi bolbe haña forsa".  
Salmo: 23

Cu dolor na nos curason nos ta anuncia fayecimento di nos esposo, tata, welo y ruman stima:



## RAFAEL KOCK

Mihor conoci como "Rafael, Papa Rafael, Mo Rafael"  
\*24 Oktober 1951 – †04 Juni 2021

Na number di su:  
Mayoran:  
† Federico "Fedjai" y † Agripina "Chichi" Kock - Dubero

Casa: Lourdes Kock – Ridderstaat  
Yuinan: Rowald Rafael Federico y Lina Kock - Osorno  
Randolf Rene y Marylies Kock – Quilotte

Nietonan: Sean, Megan, Maeyson, Maevah

Rumannan: † Laurenza "Aura" y  
† Reginaldo "Shona" Lampe-Kock y famia  
Anselmo "Chemmy" y Annie Kock- Franken y famia  
† Emelina "Ina" y † Jozeph "Cheppy" Ras- Kock y famia  
Marianita "Ninita" y Noeul Quandus – Kock  
† Virgilio "Fichi" y † Rosa Kock – Trimon y famia  
Nemencio "Emi" Y Olga Kock-Diaz  
Florina "Rina" y Fernando Zapata – Kock  
† Benny y Martha Kock – Quintero y famia

Swa y Cuña nan:  
Jacintho "Chin" y Swinda Ridderstaat y famia  
Virgilio "Ichi" y Omaira Ridderstaat y famia  
Maria Ridderstaat y famia  
Immaculata "Deta" Ridderstaat y famia  
Lucia Ridderstaat  
Jose "Jossy" Ridderstaat  
Dolorosa "Doke" y Ido Kelly – Ridderstaat y famia  
Cosma y Roland Winterdaal – Ridderstaat y famia

Ta invita tur sobrino y sobrinanan, ihanan, comer y compeman, amigo, conocinan

Demas famia:  
Kock, Dubero, Ridderstaat, Ras, Kelly, Winterdaal, Lampe, Tromp, Melaan, De Lanooy, Quandus, Quintero, Osorno, Zapata, De Mey, Quilotte, Croes, Wever, Donata, Maduro, Matos, Mejia.

Pa asisti na e acto di entierro cual lo tuma lugar: Diamars 8 Juni 2021 di 2'or pa 4'or di atardi na Misa Immaculada Concepcion na Santa Cruz. Sigui pa Cremacion den seno familiar.

Oportunidad pa condoleer lo ta Dialuna 07 Juni 2021 di 7'or pa 9'or pm na Aurora Funeral Home.

Disculpa nos si den nos tristesa nos por a lubida algun famia.

Pa situacion actual di Covid-19 tin cu cumpli reglanan stipula door di DVG tapaboca ta obligatorio, hasi uso di handsanitizer y mantene distanciamiento social, evita aglomeracion y no ta permiti pa duna man, sunchi y brasa.

Purba evita di bay bèk Lockdown

## Diamars awor Gobierno ta elimina Toke de Keda

**WILLEMSTAD** - Diabierne atardi gobiernu di Kòrsou a duna splikashon riba maneho di atmishon di biahero na Kòrsou a base di preguntanan ku gobiernu a haña.

Komo parti dje anunsionan di suavisashon di Pandemia Promé Minister Rhuggenaat a hasi dos anunsio adishonal.

Entrante mañan djamars ta elimina toke de keda i Kòrsou ta habri kompletamente. Rhuggenaath a gradisi tur ku a traha pa logra e meta aki ku aporte di siudadanonan i e desishon a kai despues di praktika-mente un aña.

Pero mas importante ainda e mester sirbi pa evitá di bai bèk di loke nos a pasa.

Ne momentonan aki komo 80+ mil persona a tuma bakuna i a proteha nan mes i otronan.

Pa loke ta maneho di entrada di biahero na Kòrsou entrante 4 di yuni tur residente ku tin ku bai of bin for di Aruba of Boneiru i tin mas ku dos siman kaba full bakuná i tin e buki no meser hasi test di PCR.

Tampoko mester hasi e test di antígeno despues di 3 dia.

Tur residente ku ta full bakuná i tin nan buki mester mustra esaki na Imigrashon. Esnan ku a skohe pa no bakuná sí mester pasa tantu test ku ta konta pa tur tres isla.

Dos number di bakunashon ta konta pe buki ku batch number i e anotashon ku si e portador tabata infektá.

Entrante mañan djamars biaheronan ku ta bin di paisnan di riesgo abou no mester pasa test di PCR ni antígeno basta nan por presenta esaki. Sino nan mester pasa test antígeno despues di 3 dia.

Esaki ta konta ku si nan ta bin di pais di riesgo abou.

Biaheronan prosedente di paisnan di alto riesgo tin ku pasa un test di antígeno i PCR di akuerdo ku un agènda di tempu. Tur e informashonnan aki gobiernu lo ripiti despues riba nan kanalnan ofisial.



# Contribucion di mayor pa akohida di mucha ta bira ménos pa hopi mayor

**KRALENDIJK** - Entrante promé di yüli 2021, organisashonnan di akohida di mucha na Boneiru i Sint Eustatius ta haña mas supsidio for di Gobièrnu Sentral, p'asina nan por baha e kontribushon di mayor mas tantu.

Esaki ta un siguiente paso di e programa BES(t) 4 kids pa ofresé akohida di mucha di bon kalidat, seif i pagabel pa mucha di Hulanda Karibense.

Organisashonnan di akohida di mucha i akohida despues di skol na Boneiru i Sint Eustatius a bin na remarke pa un supsidio di redukshon di preis di kosto for di aña pasa. Ku e supsidio akí un organisashon di akohida di mucha por baha e kontribushon di mayor i òf tuma medidanan pa mehorá kalidat di akohida. Entrante promé di yüli ta oumentá e supsidio aki, p'asina organisashonnan di akohida di mucha por sigui baha e kontribushon di mayor.

## Montante kontribushon di mayor na Boneiru

E kontribushon máksimo ku un organisashon di akohida di mucha por a pidi mayornan ta baha for di promé di yüli 2021 di 200 dòler pa un máksimo di 125 dòler pa mucha pa luna. E montante aki ta konta pa 5 dia di akohida di mucha i pa 5 dia di akohida despues di skol pa siman.

E kontribushon di mayor pa akohida di mucha serka un 'gastouder', ta suma 100 dòler entrante di promé di yüli. Si na e momentunan aki, un organisashon di akohida di mucha ta kobra e mayornan mas ku e kontribushon máksimo di mayor, e organisashon di akohida di mucha mester baha e tarifa entrante promé di yüli 2021. Si e kontribushon di mayor ta abou kaba, e ora ei e akohida di mucha no mester baha e montante.

Mayornan ku no por paga e kontribushon di mayor, por pidi un supsidio pa un lugá na akohida, serka e Entidat Públiko.

## Montante kontribushon di mayor na Sint

## Eustatius i Saba

E kontribushon di mayor na Sint Eustatius ta baha entrante di promé di yüli 2021, di 150 dòler pa 100 dòler pa luna pa 5 dia di akohida di mucha. Akohida despues di skol ta baha di 75 dòler pa 50 dòler pa luna.

Na Saba, e kontribushon di mayor ta 100 dòler kaba pa luna pa akohida di mucha i 50 dòler pa luna pa akohida despues di skol.

Na Saba i Sint Eustatius tambe, mayornan ku no por paga e kontribushon di mayor, por pidi un supsidio pa un lugá na akohida serka Entidat Públiko.

Mas informashon tokante e programa di BES(t) 4 kids ta disponibel riba [www.best4kids.nu](http://www.best4kids.nu).

## Gradicimento y Invitacion

Pa medio di e aviso aki yiu Marianela, ruman Idalisa y Victor y famia, sobrino Yovanny y Susanna y famia y mescos cu ruman Gloria y demas mescos cu rumannan y famia ta desea di extende un gratitud na un y tur cu a brinda nos sosten durante fayecimento y entierro di nos defunto stima



## Flora Estela Francisca Salcedo-Cruz

17 september 1951

† 28 di mei 2021

Un danki ta bay na tur esnan cu a yama, a manda e-mail di condolencia y a manda mensahe via what'sapp y tambe un danki special ta bay na Olive Tree (Somaira y su staff) pa e bon servicio y un caluroso gratitud ta wordo extendi na Pastoor Raffi y Sra. Zinia Lopez y Sr. Gregory Goedgedrag di Misa Santa Theresita pa e bunita servicio di response y e servicio y e bunita canticanan. Tambe na Dr. Casper Laclé, Internista Dr. Carina Kelly, Botica di Servicio (Magaly y henter staff) y na Imsan (Aaron), su amiganan: Omaira, Marisol y Betania.


Alaves ta invita bisiña, amigo y conocir pa asisti na un Santo di Sacrificio di Misa pa descanso eterno di nos mama, abuela, tanta, ruman, cual lo tuma lugar riba diabierna 11 di juni, 2021 pa 6 or di atardi na Misa Santa Theresita na San Nicolas.

Un danki na un y tur di curason...





E unico corant GRATIS



### Abona awo

Manda un e-mail na:

**Noticia@awemainta.com**

y skirbi e palabranan: *"Ami Kier Abona"*

---

### Like nos riba facebook

Keda "up to date" y like nos riba facebook  
[www.facebook.com/awemainta](http://www.facebook.com/awemainta)



---

### Subi riba nos website

[www.awemainta.com](http://www.awemainta.com)

---

AWEMainta completamente

**DIGITAL**



# BONERIANO®

EDITOR:  
Bonaire Communication Services N.V.

Djasabra 5 yüni 2021 | Preis: \$0,60

## “AWORAKI TA WAK PA E STUDIANTE”

Kontribushon di  
mayor pa akohida  
di mucha ta bira  
ménos pa  
hopi mayor

Captain Don's Habitat ta bai krese



Elvis Tijn Asjoe  
ta kontentu ku  
trabounan  
di FCB

### BOTIKA NA WARDA



FUNDASHON MARIADAL

**DJADUMINGU  
6 YÜNI 2021  
14:00 - 18:00**



Dentro di algun tempu Hotel Captain Don's Habitat ta den posishon pa akomodá 236 huésped. Esaki a bini dilanti e siman aki na selebrashon ponementu di promé piedra pa ekspashon di e hotèl aki, ku a surgi for di e bungalow hotèl Debonaire. Foto ta ilustrá e ponementu di promé piedra e siman aki.





Chali Mercelina

# “AWORAKI TA WAK PA E STUDIANTE”

K R A L E N D I J K - - Despues ku mayornan di studiantenan di Liseo den un meil a risibí entre otro dokumentonan relashoná ku kambionan den e reglamentu di promoshon di klas, esaki a trese basta intrankilidat. Mayornan preokupá a skirbi un karta i pidi klaridat riba kiko ta meta di Liseo Boneriano ku ta pará tras di e kambionan ku nan a trese. Einan a bini diskushon si e kambionan ta legal si òf no i kiko e regla nobo lo nifiká pa e studiantenan. Chali Mercelina, kende ta representante di komishon di mayor, a

trese pa miembronan di Eilandsraad puntonan di doló serka mayornan ku tin yu na e skol.

Manera ta konosí, for di komienso di aña tin basta intrankilidat na e skol, debí na kambionan ku kabes di skol a hasi, ku segun mayornan no ta na benefisio di e estudiante.

## Doló di mayornan

Mayornan i tambe skol a diskutí vários punto. Den pueblo tabatin hopi tenshon relashoná ku e asina yamá ‘bevorderings reglement’. Un di e puntonan di hopi doló ta e parti ka-

mind a mishi ku e derechi di ‘dubleeren’, den boka di pueblo konosí komo ‘keda sinta’. E punto aki sigur mayornan tabata hopi fuerte riba dje i tabata ke klaridat. Esta si e estudiante por keda sinta si òf nò.

Otro parti ku tambe ku a bin dilanti di parti mayornan ta e falta di komunikashon di parti Liseo na mayornan i tambe ‘medezeggenschap raad’, pues konseho di partisipashon

Tur e desaroyonan aki a sòru ku finalmente, mayornan preokupá a sinta na mesa ku Liseo 12 di

febrüari último, kaminda ku despues di basta bai bini, Liseo a komprondé e doló di mayornan. A yega na palabrashonnan ku ‘keda sinta’ lo por tabata posibel atrobe. A trata tambe algun otro punto mas ku tabata den e ‘bevorderings reglement’ nobo ku lo por a adaptá. Esaki pa ta mas benefisioso den bista di mayornan pa e estudiante.

Riba di 28 aprel a forma komishon di mayor ofisialmente. Mercelina ta splika ku ainda no a logra yega serka tur mayor. A base di diferente reunion, kartanan i diálogo a logra hasi a algun cambio importante ku ta riba mesa ku ta enserá ku mayornan a duna lus bèrdè pa por hasi e kambionan. “Ta keda lucha pa tur estudiante di Liseo esei ta sigur. Nos mester keda traha, loke komishon di mayor ta mira ta ku tin un deskonfiansa. E deskonfiansa ei mester traha riba dje pa haña konfiansa bèk i asina logra mas na Liseo”.

## Falta di komunikashon

Tambe e mayornan a trese dilanti serka Liseo ku nan ta haña ku e komunikashon ta laga di deseá. Mayornan ta sinti hopi falta di komunikashon entre skol, alumno, dosente i mayor. Komishon di mayor a duna konseho pa buska un eksperto di komunikashon pa yuda den esaki. Skol ta para pa un triángulo ku e estudiante, mayornan i skol.

Pero den e triángulo ta sinti falta di bon komunikashon ku otro. Mas aleu mayornan a konsehá Liseo pa hasi mas den e parti di duna informashon.

## Unda ta pará

Mirando tur e desaroyonan aki, lógiko ku ta lanta e pregunta unda mayornan i Liseo ta para awor aki ku otro. Aktualmente ta para dilanti e lista di métodonan kaminda a hasi kambionan di parti bieu bai nobo i splikashon dikun a hasi e kambionan aki. “Aktualmente ta importante kiko ta e mihó solushon pe estudiante. Debí na situashon di Covid hopi kos a kambia pa e estudiante. Pues awor aki no ta wak kiko ta den sistema bieu òf nobo, ta wak kiko ta e mihó solushon den e situashon aktual,” e presidente ta splika. Banda di esaki tin hopi otro aspektonan ku komo representante di mayor, e komishon lo ke logra ku Liseo. Pero den práktika esaki no por aglomerá tur problema huntu. Ta tiki tiki i segun diálogonan ta tuma lugá, por kana yega na meta final. “Na e momento aki nos ta para na 1 minüt pa 12, esta final di aña eskolar, pues nos ta kere komo representante di mayor ku sigur mester bai sinta i wak pa bienestar di e mucha na promé lugá.

Nos ta sinti serka Liseo ku nan ta dispuesto pa hasi esaki,” Mercelina a finalisá su disertashon.

## Sifranan COVID-19 | Boneiru

04/06/21

<b>Positivo</b>	<b>Aktivo</b>	<b>Negativo</b>
<b>+0</b>	<b>6</b>	<b>7374</b>
Total: 1589	-1	
<b>Di tèst</b>	<b>Fayesé</b>	<b>Den hospital na</b>
<b>+24</b>	<b>17</b>	<b>Boneiru: 0</b>
Total: 8963	+0	



Mas informashon:

f Gobièrnu di Boneiru

www.bonairecrisis.com

Liña di informashon virüs di corona:

0800 0800

(grátis)

Esaki ta un mensahe di Entidat Públiko Boneiru



# Elvis Tijn Asjoe ta kontentu ku trabounan di FCB

KRALENDIJK – Konsehal Elvis Tijn Asjoe (MPB) ta kontentu ku trabounan ku Fundashon Cas Boneriano (FCB) ta realisando bou di su direktor Ben Oleana. Tjin Asjoe a bisa ku e no ta referi na trabounan di awor, sino pa añanan kaba. Loke mas ta impreshoná e miembro di Konseho Insular ta loke el a deskribí komo trabounan inkansabel pa a yega na konstrukshon di 500 kas di pueblo. El ta aploudí diputadonan tambe ku a traha último añanan inkansabel pa yega asina leu.

“A pasa e leinan di ku ta rigi komishon di hür i

tambe e parti di supsidio. Ta konosí tambe ku lo bini un proyekto piloto pa logra ku a lo largu lo tin supsidio di hür pa tur hende, pues no pa habitantenan di kas di FCB so.

Komo un gobièrnu sosial, nos intenshon ta pa kada kas di hür aki na Boneiru, pokopoko, ku tempu, tur hende tin derecho via sistema di un puntuashon, tambe tin e derecho basá riba nan entrada di haña un pida supsidio di hür. Asina nan pòtmòni por habri dia promé di luna i ku dia 30 nan por sobra plaka pa paga algun kos mas den kas”, Elvis Tjin Asjoe a bisa.

## Orguyoso

E konsehal ta masha kontentu di tende di tur desarojo positivo den sektor di bibienda popular: “Mi ta mir’é tambe, pasobra mi tambe ta kore den bario. Kasnan di pueblo ta nèchi di fèrf, matanan ta kòrtá, kachó ta kore bon bañá den kurá, pasobra FCB tin hende ta kore kontrolá den bario. Ta hasi e trabou den forma dediká i serio, p’e kas t’ei awe pa esunnan ku ta hür i e otronan ku ta hür mañan.”

“No ta un organisashon sosial so a krea, pero ta un organisashon serio i fi-


nansieramente stabil. Mi ta hopi orguyoso ku nos a pasa e leinan aki’den, pasobra gobièrnu a haña finalmente tres kuart mion ku nos tabata manda pa supsidio di hür. Finalmente pokopoko, ku tempu, entre 7 aña despues ku nos kaba di invertié, infrastrukutura ta bini liber pa presupuesto di gobièrnu di Boneiru. Hulanda ta pag’é aworakí, 1.5 mion dòler, pero ku tempu, segun e presupuesto ta kana, e ta bira tres punto piku mion.”

## Mas supsidio

Tjin Asjoe a bisa mas aleu: “Nos a hasi un bon trabou. Ku stap pa stap mas hende por haña supsidio di hür. Mi ta kontentu di tende

tambe ku stap pa stap, ora ku subi hür ku 5 porshento, a bisa tambe ku si bo pèrdè trabou, salario a baha, ta djis bo tin bai kombersá i duna bo sifranan i bo ta haña yudansa.”

Ta konosí ku tin hende ku, debí na nan situashon, ta paga 30 dòler pa kas. “Ami sí ta kontentu, hopi kontentu, ku e trayekto di FCB, spesialmente p’e trayekto sosial. Mi ta di akuerdo ku si ohalá nos tin mas instancia na Boneiru ku ta traha mas kas, pero mare FCB mes por traha mas kas, pa finalmente tur hende ku ta riba lista di espera por haña un kas pagabel ku e entrada i e forsa ku nan tin den nan pòtmòni, un pòtmòni ku por yega te fin di luna.”



OPENBAAR LICHAAM  
**BONAIRE**


## KOMPENSASHON ALIVIO

PA EMPRESARIO I PARTIKULIR

**KU PROBLEMA PA POR PAGA GASTUNAN NESESARIO PA BIBA PA MOTIBU DI REKAIDA SERIO DEN ENTRADA DEBÍ NA COVID-19**

- Bo tin 18 aña bai ariba?
- For di luna di mart 2020 bo tin minimalmente 30% di rekaida den entrada personal komo koneskuensia di Covid-19?
- E entrada total di bo kas di famia ta ménos ku \$ 3000\*?
- Bo no por paga e gastunan nesario pa biba (hür òf hipotek, kuenta di WEB i internèt) mas for di entrada di famia òf kapital privá?
- I e medidanan di sosten aktual no ta ofresé sosten òf no sufisiente sosten?

\*\$ 3.000 pa luna pa un famia ku 3 of mas persona adulto, \$ 1.400 pa luna pa un soltero, \$ 1.900 pa luna pa un famia di dos persona



# REGISTRA BO MES!

## Sifra di bakunashon COVID-19



Kantidat di hende ku a pasa angua minimalmente un biaha:	<b>14230</b> + 133
Kantidat total di hende ku a haña e promé i e di dos angua:	<b>11333</b> + 115
Kantidat total di hende ku a registrá pa bakunashon:	<b>14357</b> + 145

**Te ku: 03-06-2021**

 Kantidat di e di promé i e di dos angua di e día promé



**#BANBAKUNÁ**  
Registrá awor!

[www.boneirukrisis.com](http://www.boneirukrisis.com)  
0800 0900 (grátis)

## Maltrato i kiebro

KRALENDIJK -- Riba djáron 2 di yüni a dené un hòmer di inisial D.D.D. di 39 aña di edat pa maltrato. El a maltratá dos persona.

Entre djamars promé di yüni i djáron 2 di yüni, deskonosinan a bai ku un suma na sèn kèsh for di un kas situá na Kaya Aruaco. Ta investigando e kaso.



# Esther Bernabela ta duda den splikashon di Statia

**KRALENDIJK** – Miembro di Konseho Insular Esther Bernabela (UPB) no ta komprondé, asta ta duda, den un splikashon ku funshonario di R&O (Direktorado di Espasio i Desaroyo), Joselito Statia, a duna den reunion di komishon fiho di R&O, tokante drechamentu di dam. Statia a indiká ku no por drecha i mantené damnan awor aki, pasobra ainda tin awa den dam.

Esther Bernabela a kuminsá duda na momentu ku Joselito Statia tin rason ora ku el a menshoná ku ainda tin awa den dam i no por traha. Esther ta bisa: “Den luna di òktober, novèmber, desèmber no ta lunanan di yobida? Kon bo ta bai traha den lunanan di yobida? Si bisa ku den dam no por traha, pasobra e dam tin awa, kon bo ta bai traha ora ku tin awa den buraku? Mi ta referí na e burakunan den kaminda.”

## Dikon kaya sí?

Di akuerdo ku Esther Bernabela, tur kabamentu di aña ta hasi trabou riba kayanan den mal estado. Pregunta kardinal ta kon ta



**Joselito Statia a duna splikashon komprehensibel.**

bai traha, ora ku sa ku no por traha, pasobra ta masha hopi yobida tin i e burakunan ta yen di awa.

Bernabela no por komprondé esaki i a pidi un splikashon. Joselito Statia a splika ku esaki ta un parti di e trabounan ku a base di lògika no por splika, pero e ta un nesesidat sí. “Si no yena e burakunan aki, nan ta yena ku awa i no por mira nan. Konsekuensia ta ku outo ta kai den nan, kibra outo. Òf hendenan ku ta kore riba skuter ta aksidentá. Pa prevení aksidente den tráfiiko i situashon insegur, ta skohé pa hasi e trabou aki den temporada di yobida. Esaki ta un parti di e trabounan ku a base di lògika no por splika.

Si kompará dam i bu-

raku ku awa riba kaya: ora ku e buraku tin un tiki awa, ta tira un tiki asfalt aden i por tap’é, pero no por baha e katapila den dam yen di awa lag’é traha. Esaki ta definí dikun unu por i e otro nò.”

## Daño

Segun funshonario di R&O Joselito Statia, ta asina ku durante di aprel pa sèptèmber, bou di sirkunstansia normal, no tin asina tantu yobida ku ta kousa buraku den kaya. “Aki i aya buraku ta sali, ta repará i ta kla.

Aña pasá ku e aña aki a haña hopi áwaseru i, manera ta musta, nos lo sigui haña áwaseru por lo pronto. Esaki ta nifiká ku den luna di òktober, novèmber i desèmber, foral den luna di novèmber último añanan, for di 2003 bin ariba, ta e luna ku nos ta haña mas áwaseru i ta kousa hopi daño na e infrastruktura di karetera.”

“Kada trabou ku hasi ta



**Konsehal Esther Bernabela no ta komprondé.**

planiá. Ta dependé na e momentu ku por hasi nan. Por ehèmpel, e parti di snui ku ‘kapploeg’ normal na momentu ku áwaseru stòp di kai, rònt di luna di febrüari. Kayanan ta yen di rama.”

“Ta kuminsá kòrta rama bai te rònt di yüni. Ora ku kaba, a base di e informashonnan ku nos tin interno, e lunanan yüli, ougùstùs, sèptèmber, generalmente ta hopi seku.

E ramanan aki no ta krese rápido, pero na mo-

mentu ku drenta luna di òktober, novèmber i desèmber, tin dos fenómeno; primaramente áwaseru ta kuminsá kai, ramanan ta krese atrobe i tin rama i palunan di kuihi sigur, ku ora nan muha nan ta sak, nan ta bai kologá tur kaminda i nan ta kita visibilidat i seguridat.

A base di esei a skohe pa re-aloká e fondonan den dos parti di aña, pa hasi e mantenshon aki. “, Joselito Statia a splika den Konseho Insular.



**Dam di Gurubú**

## Fundashon Mariadal ta suavisá areglo di bishita

**KRALENDIJK** – Gobièrnu di Boneiru a suavisá e medidanan di prekoushon rònt di Covid-19. Den e kuadro ei Fundashon Mariadal tambe ta adaptá su medidanan interno.

## Bishita

Pa Kas di Kuido, inkluso e departamento na Delfins, e oranan di bishita diariamente ta di 18.00 te

20.00 or. Ta pèrmití maksimalmente dos bishitante pa kada kliente.

Ta pèrmití pashèntnan, ku no ta pashènt di COVID, di Sentebibu (departamento di hòspital) i Special Care pa risibí dos bishitante durante un (1) ora pa dia. E ora di bishita ta di 12.00 te 13.00 or.

Pashèntnan pa e poliklínikanan i pa Ayudo di

Emergensia tin mag di bini ku un akompañante.

Bishitantenan mester traha un sita adelantá via e number di telefon 780 9000.

Bishitantenan i akompañantenan mester keda tene kuenta ku e siguiente medidanan:

skrin na entrada, tene distansia, medidanan di higiena i bisti un tapaboka médiko.





Nunka un hende por a tende sali for di mi boka bisa ku mi ta historiadó. Meskos ku nunka mi ta yama mi mes periodista, sino simplemente un skirbidó di korant. Mi no a studia historia i mi no a studia periodismo, pero ta hasi loke mi kurason ta manda mi hasi. Loke si mi por bisa ta ku mi a skirbi i publiká mas ku kualké historiadó i periodista.

\*\*\*

Importante ta, ora ku bo ke sa historia, ta di lesa, skucha i opservá. Esei mi ta hasiendo. Tur dia mi ta tira bista den buki i otro publikashonnan ku tin di aber ku historia i kultura di Boneiru pa asina sa mas i mas. Semanalmente mi ta kologá na lep di nos grandinan pa skucha di nan eksperensia i storianan. Por lo ménos un bia pa siman mi ta dreña mondinan di e isla aki pa eksplorá nos naturalesa.

\*\*\*

Mas importante ta pa kompartí e konosementu ku bo ta haña. Ta loke mi ta trata na hasi atraves di programanan di radio, television, artikulonan den korant i buki. Tin bia mi mes no por kere ku mi tin masoménos 35 buki publiká te awor, di kua sigur 20 pa 25 asina ta bai tokante historia i kultura boneriano. E buki ku mi ta mas orguyoso di dje ta 'Pueblo di Kunuku Bieu', ku ta bai tokante e pueblo mas na mi kurason, Nort di Saliña, na unda raisnan di mi tata ta mará den suela.

\*\*\*

Ami lo ta e último pa pretendé ku mi sa tur kos di historia, kultura i naturalesa di Boneiru. Pero mi sa hopi sí, un sabiduria optené di prinsipalmente grandinan, kombiná ku lesamentu i mas lesamentu di bukinan di historia, tambe algun investigashon. Ta dje mi konosementu riba e terenonan aki ta bini i mi ta kompartí i sigui kompartí nan ku tur hende.

\*\*\*

Tur programa di television (Herensia) ta bai riba Internèt pa asina tur hende por mira nan i hasi nan investigashon. Nada pues di tene kos pa mi so, hasi komo sifuera ta mi kos. Loke mi haña ta bai bèk na e fuente kaminda mi a hañ'é. Asina simpel e kos ta.

\*\*\*

# Kontribushon di mayor pa akohida di mucha ta bira ménos pa hopi mayor

KRALENDIJK-- En trante promé di yùli 2021, organisashonnan di akohida di mucha na Boneiru i Sint Eustatius ta haña mas supsidio for di Gobièrnu Sentral, pa asina nan por baha e kontribushon di mayor mas tantu. Esaki ta un siguiente paso di e programa BES(t) 4 kids pa ofresé akohida di mucha di bon kalidat, seif i pagabel pa mucha di Hulanda Karibense.

Organisashonnan di akohida di mucha i akohida despues di skol na Boneiru i Sint Eustatius a bini na remarke pa un supsidio di

redukshon di preis di kosto for di aña pasa. Ku e supsidio akí un organisashon di akohida di mucha por baha e kontribushon di mayor i/òf tuma medidanan pa mehorá kalidat di akohida. Entrante promé di yùli ta oumentá e supsidio aki, pa asina organisashonnan di akohida di mucha por sigui baha e kontribushon di mayor.

Montante kontribushon di mayor na Boneiru

E kontribushon máksimo ku un organisashon di akohida di mucha por a pidi mayornan ta baha for di

promé di yùli 2021 di 200 dòler pa un máksimo di 125 dòler pa mucha pa luna. E montante aki ta konta pa 5 dia di akohida di mucha i

pa 5 dia di akohida despues di skol pa siman. E kontribushon di mayor pa akohida di mucha serka un 'gastouder', ta suma 100 dòler entrante di promé di yùli. Si na e momentunan aki, un organisashon di akohida di mucha ta kobra e mayornan mas ku e kontribushon máksimo di mayor, e organisashon di akohida di mucha mester baha e tarifa entrante promé di yùli 2021. Si e kontribushon di mayor ta abou kaba, e ora ei e akohida di mucha no mester baha e montante.

Mayornan ku no por paga e kontribushon di mayor, por pidi un supsidio pa un lugá na akohida, serka e Entidat Públiko.



## KURSO HISTORIA I KULTURA

Mirando ku ainda tin interes pa e kurso di historia i kultura di Boneiru organisá pa Fundashon Históriko Kultural Boneriano (FuHiKuBo), ta bai tene e kurso aki un bia mas entrante otro siman na papiamentu.



E kurso ta planeá pa diana 8, 10, 12, 15, 17 i 19 di yùni. Den siman ta anochi di 7'or pa 9'or, riba e djasabranan ta di 2'or pa 5'or di atardi. Djadumingu despues di e último dia di kurso tin un kaminata educativo.

Preis ta 65 dòler pa persona pa total 14 ora di lès.

Djaluna 7 di yùni último dia pa inskribí.

Pa inskripshon por yama 717-8482.

## Entrada hudisial

KRALENDIJK -- Den oranan trempan di mainta riba djabièrnè 4 di yùni a tene un entrada hudisial den un kas situá na Amboina. Aki a detené un hòmer di inisial J.G.S. di 26 aña en konekshon ku menasa i destrukshon.

E entrada hudisial tabata den kuadro di un kaso di destrukshon i diferente kaso di menasa ku arma.



# For di:

# ARUBA NEWS

Kompilá pa Nadya Tromp


## Unidat mobil uzá pa sine

Public Relations Department a pone klímaks na su programa di sine pa 1960 usando un unidat mobil durante dezèmber.

E unidat di proyekshon

kompletamente ekipá , kual ta furni su mes fuente di koriente di 110 volt, a wòrdu uza pa dies diferente presentashon entre 9 i 30 di dezèmber

na sitionan manera Piedra Plat, Angochie, Ayo, Bubali i Wèst Pùnt. E unidat a wòrdu traha pa operá na lugánan unda no tin koriente pa operá



aparatonan di sine.

Un total di 4500 persona di tur edat a akudí pa mira e pelíkulan. Na diferente okashon a presentá dos pelíkula di Walt Disney- " A World Was Born" i " Nature's Half Acre"- plus Pan Amercian Games i dos popular pelíkula di seguridat , " Charlie's Haunt" i "Motor Mania", un `cartoon`. Ademas di un generator ku ta traha ku gasolin, e unidat ta ekipá ku un proyektor di zonido di 16 milimeter, sistema kompleto di zonido, teip rikòrder, pantaya portátil , i lus reflektor.

Tur esakinan ta forma parti di un unidat traha spesialmente i montá riba un chasis regular di trùk. E unidat ta hasi posibel pa e programa-dó di e pelíkula duna un presentashon kompletu. Promé ku e pelíkula kuminsá , músika riba teip òf disko por wòrdu toká i e sistema di zonido por wòrdu uza pa papia tambe. Ku un tal unidat, kualkier espasio habri riba e isla por kombertí den un sine. E unidat mobil tabata brevemente prestá for di Sosiedat pa Kombatí Abuzo di Alkohòl na Aruba.





# Captain Don's Habitat pronto por akomodá 236 huespet

KRALENDIJK – Den- tro di algun tempu Hotel Captain Don's Habitat ta den posishon pa akomodá 236 huésped. Esaki a bini dilanti e siman aki na selebrashon ponementu di promé piedra pa ekspashon di e hotèl aki, ku a surgi for di e bungalow hotèl Debonaire.

E dòkter lokal Adhemar a kuminsá ku e hotèl aki na fin di dékada sesenta, pero kos a bai malu. Na sèptèmber 1976 el a kontinuá komo Hotel Aquabitat, despues Captain Don's Habitat, kende a operá e ho-



tèl aki den añanan setenta i ochenta. Maduro Holding a yuda Don pa su soño bira realidat, esta pa konstruí un hotèl spesialmente pa sam- buyá.

Na kuminsamentu e hotèl tabatin solamente 10 bungalow. El a sigui krese i awor ta un kompleho gran- di di riba shen bungalow, suite etc. Na momentu ku Don Steward a tuma e hotèl over el a haña hopi sosten di Maduro Holding. Don a sòru pa pone Boneiru riba mapa den e sektor di tur- ismo di buseo, ku ta e base di eksistensia di e hotèl aki.

Gerente di e hotèl Claire Sealy a elogiá su tra- hadónan pa nan loyalidat,

kompromiso i dedikashon. Nan a yuda pone e hotèl na unda ku e ta aworaki.



## No ta bisti faha di seguridat

KRALENDIJK -- Du- rante un kòntrol di tráfi- ko na Kaya Korona riba djaweps 3 di yùni, a kontrolá 18 ve- hículo durante kua tres shofùr a risibí un prosès- ferbal. Dos shofùr a haña prosèsferbal komo ku nan no por a mostra dokumentunan di seguro bálido i un shofùr a haña prosèsferbal komo ku e no por a mostra un reibeweis bálido.

Den e dlanan tras di lomba a duna but tambe pa manehá sin dokumentunan bálido di seguro, sin reibe- weis bálido, pa tene telefòn den man miéntras ta manehá i pa manehá sin faha di se- guridat bisti. Prinsipalmente pa e último dos violashon- nan menshoná ta duna mas i mas prosèsferbal.

### Faha di seguridat

Bisti bo faha pa bo mes seguridat. Un faha di seguri-

dat ta protehá okupante di un outo durante di un aksidente. Dor di uza e faha e persona protehá ta keda sinta riba su stul, no tin e posibilidat pa dal su kabes den winshil i no ta keda bentá den e outo p'aki p'aya. Dor di bisti bo faha di seguridat bo chens di tin un aksidente mortal ta baha ku 30 pa 40%. Tambe patras den outo bo tin 20% ménos chens di keda herida seriamente ora bo tin bo faha bisti.

### Telefòn selular

Uzando bo telefòn selular miéntras bo ta manehá, bo ta hinka bo mes, pero tambe otronan den peliger. Pasobra ora nos ta uza nos telefòn nos ta ménos alertá.

Pone bo telefòn for di bista. Asina bo ta prevení e tentashon pa wak tòg. Ora bo ta partisipá den tráfi- ko, sea ta ku outo òf riba baiskel,

ta importante pa bo ta kon- sientemente presente. Si bo tin un persona ku ta ferwagt un mensahe òf yamada di bo, mèldu nan promé ku por ehèmpel bo subi outo, ku bo no ta bai ta alkansabel pa un ratu.

### Dokumentunan na òrdu

KPCN ta hala atenshon di un i tur pa nan tin e doku- mentunan nesesario manera menshoná aki riba, na òrdu. Tambe ta konsehá estrikta- mente pa kumpli ku e regla- nan di Lei di Tráfi- ko. Ku esaki bo tambe ta kontribuí na un tráfi- ko seif i sigur riba e isla. E periodo benidero lo bai tene kòntrol regular- mente, kaminda lo aktua ku man duru na momentu ku no tin e dokumentunan men- shoná ariba na òrdu i tambe si no ta kumpli ku reglanan di tráfi- ko. E suma di un but pa e violashonnan menshoná ta varia entre \$30 te ku \$225.



**Bonaire's Premier Resort & Member of the Small Luxury Hotel of the World**

Housekeeping Department ta buska pa:

- Kamarera - orario 8:00 am - 4:00 pm
- Turn Down Service kamarera orario 12:00 pm - 8:00 pm
- Full time Houseman

Por fabor manda bo CV di solisitut na  
**Harbour Village Beach Club**  
óf email: [mcgonzalez@harbourvilage.com](mailto:mcgonzalez@harbourvilage.com)  
óf  
por yama pa hasi sita: **Telefòn 717-7500 - 141**





# Ekshibishon di Wibo Ranes

No tur kaminata di Chantiwawa ta meskos. Tin kaminda sumamente difísil, pero tin tambe kaminata fásil i agradabel. Durante kaminata den área di Lasana nos a topa ku un ekshibishon di arte moderno banda di kunuku di Wibo Ranes.

Kasi pa birando pa bai bèk Playa Gandi, nos punto di salida, nos a yega na kunuku di Wibo

Ranes, den su tempu konosido futbolista di Rincon.

Wibo Ranes ta haña ku bo por biba trankil na kunuku. Esei e ta hasiendo pa algun tempu kaba. E ta biba na kunuku no masha leu for di Pos di Shon Leu, for di unda e por haña awa tambe. For di kunuku e ta sali bai kue su djòpnan.

Wibo a nase i lanta

den e bario Rincon, pero a skohe despues pa bai biba na kunuku, kaminda e ta biba felis i kontentu. E ta kria su galiñanan, ta bai piska, kue yuana. Di mes e ta bai kumpra komestibel tambe na tienda den Rincon. Sí kòrnbig, hariña di funchi etc.

Segun Wibo, no tin kos mas dushi ku di biba na kunuku, manera e ta hasiendo pa basta tempu kaba. E ta planta tambe, manera yuka i batata dushi.

“Niun hende pa kansa bo kabes. Ta mi ku naturalesa”, Wibo Ranes a konta reporteronan di BONERIANO. Di mes e tin sí telefòn pa por komuniká ku otro hende ora ta nesesario.

Den pasado Wibo Ranes a sobresalí den



deporte di futbòl. E tabata hungadó estelar di Real Rincon. Despues el a hunga tambe den Estrellas di Nort di Saliña, ku a mira su potensialnan.

Den den e págona

aki mi ta laga boso mira e ekshibishon banda di kunuku di Wibo, pariba di Tanki di Shon Leu.

E ekshibishon aki ta keda riba un ruta ofisial ku turistanan ta kore hopi i nan ta saka foto tambe.









Segun e presidente sr. Ezzy Semeleer

# E trayectoria 34 aña BT Azteca tabata largu pero satisfecho ya ku a logra hopi

KRALENDIJK--E trayekto tabata largu bèrdat, di akuerdo ku sr. Ezzard "Ezzy" Semeleer, pero e ta hopi satisfecho ku nan a logra hopi den e 34 añanan di eksistensia, esaki ta loke e presidente doño di BT Azteca ku ta sr. Ezzard "Ezzy" Semeleer, a bisa den entrevista ku boso sirbidor Ibi Piar ayera, relashoná ku selebrashon di 34 aña di e ekipo kuminsamentu di e siman aki.

Di akuerdo ku sr. Semeleer mas aleu, esei ta danki

na su dos kompañeronan di direktiva huntu kuné, tambe su kerida esposa ku tin hopi input den e organisashon, tambe e miembronan ku a keda hopi fiel na e ekipo, di kua masha poko tabatin hungadó ta bai ku kada aña bo tin ku buska dos tres hungadó, loke tabata un base bon ku a pone e sistema kana manera mester ta pa a yega na 34 aniversario di e tim ku ta BT Azteca.

Riba nos pregunta, sr. Semeleer a bisa ku foi

2 aña pasá e la kuminsá hasi e preparashonnan, pa Paolo Semeleer ku ta sigui na kabes di e ekipo komo presidente.

E ta kere ku otro aña ku nan kumpli 35 aña di e ekipo, e ta hala tras komplementamente pero keda sèmper den banda pa duna su aporte pa tantu Paolo su yu i pa henter e ekipo sigui padilanti.

Mas aleu di akuerdo ku sr. Semeleer, ku e tin pleno konfiansa den esnan ku ta spònsers e ekipo, ku foi

prinsipio a kere den nan, mui spesial pa e parti di siplina ku ta haltu serka nan den e ekipo.

Esaki ta keda demostrá tambe tantu insular, interinsular i internashonal.

Ki ora ku e ekipo aki a sali foi Boneiru, nan no a sali solamente pa keiru i representá, pero pa defendé nos isla i su bandera i mantené nan spònsers huntu ku Boneiru na haltu.

Mas eleu riba nos pregunta, sr. Semeleer a bisa ku promé ku 2010, nan no

tabatin título di kampion di Boneiru, e título di kampion nan tabatin diferente bia den weganan komersial, tambe weganan ku a invitá nan na Kòrsou i Aruba, di kua nan a titulá kampion diferente bia pafó di Boneiru.

Lokalmente e la bisa ku e sistema ku nos tin di 2010 te ku awe, nan tin durante e 10 añanan ku a transkurí, 5 título di kampion, 2 bia supkampion i 3 bia di tres lugá.

## Aktualmente BT Azteca ta konsistí di 18 hungadó aktivo

KRALENDIJK--Aktualmente BT Azteca ta konsistí di 18 hungadó aktivo, tin 2 ku no ta komplementamente aktivo, aktivo si pero den treinen ta bati kabes huntu.

Esaki segun sr. Ezzard "Ezzy" Semeleer, presidente di BT Azteca, a bisa den entrevista ku boso sirbidor Ibi Piar e siman aki.

Tambe riba nos pregunta, sr. Semeleer a bisa ku aktualmente nan tin dos

hubenil den e ekipo.

E ta kere ku pa e próksimo aña, nan ta trahando riba dos otro mas pa yega ariba, pero e aña aki no por a hasi mashá debí na e situashon di e Pandemia di Covid-19.

E parti di Covid-19 aki a kita hopi libertat di tur hende.

E ta kere ku manera ku e situashon kuminsá normalisá mas aun, anto ku nan por kuminsá bèk ku nan pa

prepará nan pa e próksimo temporada, ku otro aña nan lo por ta den e ekipo.

Dos hóben tabata ful den preparashon kaba momentu ku Covid-19 a kuminsá, tin un nobo tambe ku a kuminsá últimamente ku ta yu di un gran deportista, un gran biarista di nan mes tambe, di kua nan tur tres ta den e grupo, pero e dosnan mas ariba ta den e tim mas avansá.

Tin ku traha duru riba

nan pa na momentu ku e posishonnan bira aun mas liber, por desaroyá nan aun mas mihó pa nan ta mihó prepará pa mañan.

Esaki segun sr. Ezzard "Ezzy" Semeleer, a bisa den entrevista ku boso sirbidor Ibi Piar durante e siman aki.

## Kopa Lito 2021 ta kuminsá awe mainta

KRALENDIJK--Futbòl hubenil Kopa Lito 2021 ta kuminsá awe mainta 9'or den Stadion di Playa.

Awe djasabra 5 di yüni 2021, bala ta kuminsá lora serka nos futuronan ku weganan parti mainta, pa ta eksakto 9or di mainta den Stadion di Playa.

Esaki ta bia tambe Kopa Lito 2021 patrosiná pa MCB (Banko Maduro).

Djárason último, sr. Ryan Martha, den entrevista ku boso sirbidor Ibi Piar, a bisa ku MCB a duna di konosé ku e torneo o sea kampionato aki ku ta ku-

minsá awe djasabra, ofisialmente ta bira Kopa Lito 2021. Esaki sigur tabata un bon notisia.

Ta bon pa mayornan apoyá e futuronan den nan enkuentronan di futbòl den estilo nobo, estilo netamente pa siña e mucha hunga bala. Ku otro palabra, e weganan serka e muchanan mas chikitu lo bai nota un forma ku tin ku sera konosí kuné ainda.

Lo no laga hopi mucha boshá riba otro kore tras di e bala.

Esaki a kambia netamente pa siña e mucha hun-

ga bala.

E bia aki esaki ta otro ku menos mucha riba fèlt, unda ku e mucha tin e dominio di e bala muchu mas tantu serka dje pa e siña hunga bala.

Esei ta e sistema nobo serka nos chikitinnan, nos futuronan pa nan siña hunga bala i no siña kore tras di bala.

E sistema aki sigur tei bira unu interesante ku sin duda lo siña e mucha foi edatnan hopi chikitu, kon pa hunga bala, pa e lanta ta hunga bala i no lanta ta kore tras di bala.

### UN KANTIKA DI SPERANSA

Skritura: Juan 11:38-40

"Jesus a bis'é: "Mi no a bisabo, si bo kere, lo bo mira e gloria di Dios?" v.40(BS)

No ta fásil pa spera ku kos lo sali bon, despues ku nos mes tabata testigu ku tur kos a sali malu. Ta mas fásil pa keda optimista ora nos ignorá e faktonan, ma ta muchu mas difísil pa mantené positivismo ora ku nos mes a biba e eksperensia negativo den karni propio.

Kada dia di nobo bida ta trese situashonnan difísil pa nos, hopi di nan nos lo a preferá di evitá, sin embargo, e retonan di bida diario no nesesariamente ta resultado di nos deseonan. No ta nos so ta biba riba mundu, loke ta pasa ta konsekuensia di diferente sirkunstansianan kontroversial, di kual hopi biaha nos no ta risibí ni un notifikashon previo.

Kiko nos mester hasi pa nos keda den kontrol? Marta a kere den Hesus, e tabatin konfiansa den dJE. Su fe a laga e pensa ku si Hesus tabata presente den e último oranan di bida di su ruman Lazaro, lo tabata suficiente pa e biba bèk. Ma Lazaro ya tabatin kuater dia morto, nan a der'é i su restunan mester tabata hole kaba. El a kere si, ma a asumí e realidat.

Nos ta aseptá fe ku tur su konsekuensianan, nos ta konfia i kere den Dios kontinuamente, sin embargo, e realidat di bida por afektá nos fe.

Nos ta kere den Dios, ma nos no ta dependé komplementamente riba dJE. Nos ta pidi Dios pa tene misericordia di nos, ma tòg nos mes ta hinka nos kurpa den problema ku despues ta trese doló i frustrashon.

J. Adarberto Martínez, República Dominicana  
Señor, laga mi mira Bo gloria!

Saká for di:

**Alimento Pa E Alma un produkshon di Trans World Radio Bonaire.**



ARUBA

# Evelyn Wever-Croes ta e unico cu por lidera y saca Aruba for di e pandemia

ORANJESTAD -- Desde cu e pandemia mundial Covid-19 a bati na nos porta, Aruba a hay'e den un situacion financiero hopi dificil. Prome cu e pandemia Gabinete Wever-Croes a pone Aruba bek riba e caminda di finanzas sostenible y hasta tabata vislumbra un surplus pa aña 2020, prome cu e pandemia.

A yega na palabracionnan cu Hulanda, despu-

es cu e gobierno anterior a kibra tur palabracion. Y e confiansa di Hulanda den Aruba a wordo re estableci.

Lamentablemente despues e pandemia di Covid-19 a cera porta pa Aruba riba mercado financiero internacional, y Aruba a hay'e forsa di bay presta placa di Hulanda.

Desde un principio a palabra cu parti di e debe por wordo dispensa, den forma

di schenking. Pero Hulanda a indica cu esey lo wordo discuti na 2022, ora mester cuminsa paga e debe bek.

Esaki kiermen cu e siguiente gobierno mester ta uno serio y fuerte pa negocia cu Hulanda pa dispensacion di parti di e debe of e debe completo. Aki no tin espacio pa gobernantenan swak cu ta bay den welga di hamber. Ni tampoco tin espacio pa aventura.

Y sigur no tin espacio pa gobernantenan cu kier bay den pleito cu Hulanda pasobra ta hopi ta depende di e negociacionnan aki. Sobre-bibencia di nos pais ta depende di e negociacionnan aki.

Aruba mester awor mas cu nunca gobernantenan cu a demostra cu por enfrenta retonan y presion grandi. Gobernantenan cu experiencia y cu vision.

Aruba awor mas cu nunca mester di Partido MEP den gobierno. Prome Minister Evelyn Wever-Croes a demostra curashi. El a demostra seriedad. E ta inspira confiansa localmente y internacionalmente. Tanto simpatisante y opositornan ta di acuerdo cu e ta e unico persona cu awor por lidera y saca Aruba for di e pandemia. Aruba, dun'e bo confiansa!

*Sueann Ras (MEP):*

## “Enseñansa na Papiamento lo yuda cu progreso di Aruba”

ORANJESTAD -- Den siglo 21 ainda Aruba tin un sistema di enseñansa antigua, no relevante, exclusivo y discriminatorio cu no ta bon pa nos muchanan. Ainda nos sistema di enseñansa ta trapa riba articulo 2 di derecho universal di mucha. Nos sistema di enseñansa ta discrimina e mucha cu tin Papiamento como idioma materno. Pasobra ainda den siglo 21 nos muchanan no por disfruta enseñansa na Papiamento. Pues e fenomeno di respecta idioma materno y laga e mucha desaroya den un sistema di educacion husto ta un preocupacion mundial, ya cu idioma ta un parti importante den e desaroyo integral di un ser humano y di su pais. Nos kier mucha cu ta feliz, mucha cu por tin e habilidadnan di pensamiento critico, etc.

### *Nivel di estudio y economia di un pais*

Sin un idioma bon desaroya, ta bira dificil pa un persona expresa su pensa-

mento y pa tin un comprension di nivel halto (academico). Consecuencia ta, cu si un mucha no desaroya su propio idioma bon, esaki lo por nifica fayonan academico (Cummins 1994). E ponencia aki nos por aplica na Aruba si tene cuenta cu e nivel mas abou di enseñansa di e poblacion di Aruba den e sector laboral ta sobresali (un grupo mas grandi) compara cu e otro nivelnan mas halto. OECD ta bisa nos cu si kier aplica economia basa riba conocimiento, bo pais mester conta cu por lo menos 33% di e poblacion laboral, cu tin un nivel halto di enseñansa. Aruba no ta conta cu esaki!

### *Beneficio di desaroyo cognitivo*

Banda di e factornan di husticia y economico tin e factor humano, cu ta e.o. e desaroyo cognitivo y social emocional. Segun e teorianan di siñamento of di procesa informacion adecuadamente, e mucha ta siña miho si sali for di loke

e sa caba. Pues na Aruba, e mucha cu sa papia den su idioma materno Papiamento, Spaño y Ingles no por sigui desaroya su idioma materno, despues di klas 1 di scol basico (edad 5-6 aña).

### *Beneficio di desaroyo social-emocional y motivacion di e muchanan*

Banda di esaki e ta pone un peso enorme riba e desaroyo social-emocional y inconscientemente nos mensahe na e mucha ta cu loke el a desaroya pa 5 of 6 aña no ta sirbi y awo mester cuminsa di nobo, pero den un forma cu no ta cuadra cu loke e teorianan di siñamento ta bisa nos. Esaki ta hunga un rol negativo riba e motivacion di e mucha. Sin motivacion e mucha no lo tin gana ni e conviccion cu e por studia. Anto despues nos ta puntra: “Dicon tin tanto mucha cu no ta caba scol?” Un factor cu ta hunga un rol ta e uzo di idioma di instruccion den scol. Si sigui uza idioma stranhero



como idioma di instruccion y neglisha e mucha su idioma materno y no probecha di haci uzo di e otro idioma stranheronan: Ingles, Hulandes y Spaño na e forma corecto, pues un enseñansa multilingual basa riba idioma materno, nos lo ta bay tin hopi mas problema riba Aruba.

### *Programa di MEP pa enseñansa*

P'esey, MEP den e proximo gobernacion lo percura pa garantiza maneho multilingual cu Papiamento como base den enseñansa

primario, secundario/pre-universitario. Pa esaki MEP den e proximo gobierno lo percura y stimula introduccion di Papiamento como idioma di instruccion (den enseñansa primario, secundario/pre-universitario banda di e otro idioma manera Hulandes, Ingles, Spaño.

Nos lo traha hunto cu Boneiro, Corsou, Hulanda y otro pais pa realisacion di esaki. MEP den gobernacion lo percura pa e condicionnan necesario y factibel, pa realisacion di loke a menciona mas ariba.



## ARUBA

# Minister Xiomara Maduro a haci apertura di ‘Aruba Investment Summit 2021’

ORANJESTAD – Dialuna ultimo Minister Xiomara Maduro a haci e apertura di ‘Aruba Investment Summit 2021’ na un manera virtual. ‘Aruba Investment Summit 2021’ a wordo organisa pa Departamento di Asuntonan Economico, Comercio y Industria. E cumbre a inicia dialuna 21 di mei y lo termina diaranson, 2 di juni 2021. Un total di 341 participante di Aruba, Merca, Hulanda, Trinidad & To-

bago, Curaçao y varios otro pais den region a participa na e cumbre aki.

## ARINA

E mandatario a yama tur participante Bon Bini y a subraya e beneficienan di inverti na Pais Aruba. Alabes e dignatario a lansa e logo y e branding nobo di Aruba Investment Promotion Agency (ARINA), cu awor ta un unidad di Departamento di Asuntonan

Economico, Comercio y Industria.

ARINA ta consisti di un team di profesional cu tin como meta pa crea mas trabou den e sectornan nobo y prometedor di Aruba. E expertonan di ARINA lo conecta e inversionista cu e sector comercial, lo brinda tambe e informacion necesario tocante hacimento di negoshi na Aruba pa asina hacie mas facil pa e inversionista por establece na

nos Pais.

## Partnership ta e yabi pa éxito

Minister Xiomara Maduro a subraya cu “In an economy where trade and investment can shape economic change, partnerships are the keys to success. In the Aruba Trade Board we combine knowledge and expertise and lead a coordinated effort to stimulate international trade and investment for Aruban businesses. The composition of the Aruba Trade Board is such to create a structural partnership between the public sector and the private sector, with the Aruba Chamber of Commerce, the Aruba Trade and Industry Association and the Free Zone Aruba as members. Through institutions like ARINA and the Aruba Trade Board, Aruba can promote its new Promising Sectors to investors in order to create more jobs, more economic activity and

new economic sectors. By letting investors know that Aruba has more opportunities outside the main economic pillar, we can attract innovation, efficiency and quality and we can build a resilient Aruban economy! But we need success stories.

We want you to support Aruba in providing unique and innovative island solutions, to invest and to create your wealth.”

## Aruba One Happy Island

E mandatario a invita e participantenan pa network y participa na e sesionan di ‘Round table’ durante di e cumbre pa haña informacion con pa inverti na Aruba, pa cera un trato cu partnernan comercial y inverti na Pais Aruba.

Finalmente e mandatario ta spera cu pronto e yama e participanteman Bon Bini na Aruba y pa hunto logra pa Aruba bira ‘Aruba One Happy Investment Island’.

Entrante diamars 8 juni 2021

## Polis lo kita tur borchí sin permiso for di caminda publico

ORANJESTAD, Aruba – Cuerpo Policial ta avisa comunidad cu desde diamars 8 juni lo kita tur borchí cu tin poni sin permiso di DIP riba caminda publico. E aviso aki ta conta pa e caminda grandi di aeropuerto bin abao E proyecto aki ta di Polis di Barrio di distrito di Oranjestad.

Cuerpo di Polis ta in-

forma na tur doño di borchí propaganda cu NO tin permiso valido, pa kita e borchinan den forma voluntario. Si acaso no cumpli, lo bay over na kita e borchinan y duna multa y tambe paga e costo pa transporta e borchí cu ta Afl 175,-.

Lo mester pasa warda di Polis Playa pa hanja un papel pa reclama e borchí

despues cu a paga e Afl. 175,- florin. NO ta acepta cash. Ta swipe so.

Pa por pone e borchí propaganda riba caminda publico bo mester haci un peticion na DIP pa un “peligro vergunning”. E peticion ta wordo procesa prome y ora bo haya e permiso bo por pone e borchí propaganda.

CaribResearch ta prepará

## Agènda di investigashon 2021-2025 pa teritorionan karibense den Reino Hulandes

ORANJESTAD -- CaribResearch a asumí e responsabilidad pa hasi investigashon di kalidat haltu, kulturalmente relevante, etikamente responsabel, sistémiko i integrá. E meta ta pa sirbi e resiliencia, progreso i soberania di e komunidadnan di e teritorionan karibense den Reino Hulandes. E privilegio i responsabilidad pa inisiá, realisá, koordiná i interpretá investigashon lokal ta prinsipalmente den man di eksperto di investigashon lokal. Ta nan ta komprendé

efenómenonan lokal mihó tin e derecho fundamental pa generá y duna sentido na e konosementu i kompreshon nesesario tokante fenómeno sosial lokal. CaribResearch ta kreando un organisashon fuerte ku por asumí e responsabilidad aki. Aktualmente CaribResearch ta konta ku un grupo di alrededor di 15 koordinadó di área di investigashon i 20 miembro di e “komunidadnan di investigadó” ku ta organisá alrededor di 5 área di investigashon. Nos komunidadnan

di investigashon tambe lo inklui eksperto di nos diáspora. Despues di presentá su Agènda di investigashon 2021-2025, CaribResearch lo drenta un siguiente etapa den kua lo ehekutá proyecto di investigashon na forma strukturá i lo fortalese mas ainda kompetensia lokal di investigashon den área di diseño i metodología di investigashon, tantu kuantitativo komo kualitativo. Tambe lo krea cuadro konseptual relevante i organisá seminario temátiko. Ademas lo inisiá proyecto

di kolaborashon entre CaribResearch i organisashon lokal, regional i internashonal. CaribResearch lo lansa pronto su wèpsait pa mantené tur esnan ku ta interesá den su aktividatnan di investigashon bon informá.

CaribResearch ta un fundashon di investigashon no gubernamental independiente establese na Aruba na 2018 i registrá na Camara di Comercio di Aruba. CaribResearch ta e promé ite ainda e úniko fundashon di investigashon ku ta representá e 6 terito-

rionan karibense den Reino hulandes: Aruba, Kòrsou, Boneiru, St. Maarten, Saba i Statia.

E 9 miembronan di direktiva di CaribResearch ta profeshonalnan akadémiko lokal ku eksperensia di investigashon i konosementu i kompreshon profundo di kultura, historia i realidat lokal di e 6 teritorionan. E Kuerpo di Konseho di CaribResearch ta formá pa eksperto den investigashon i lidernan akadémiko di Aruba, Kòrsou, Puerto Rico, Hulanda i Merka.



# EcoGas a descarga e prome barco di LPG di gas

ORANJESTAD -- Na december EcoGas a cuminsa cu instalacion di e tankinan grandi pa almacena LPG gas, pa bende cu comercio di nos isla. Pa por abastecer e demanda, EcoGas a adkiri tankinan grandi, capas pa tur momento tin suficiente gas pa cumpli cu demanda di mercado. E tankinan instala na Barcadera ta instala strategicamente pa barconan por mara y via un tubo transferi e gas p'e tankinan. E luna aki a keda cla cu instala-

cion di e tankinan y di-aluna a habri cu yegada di e prome barco di LPG pa cu a bin descarga gas pa EcoGas.

E tuberia ta di 310 meter y a dura seis luna pa traha riba e instalacion, cu ta inclui tanki y tuberia y tur instrumentacion. George de Nobrega, Gerente General di EcoGas, a indica cu e prome barco cu nan a haya, ta pa trece un cargamento di 1.3 miyon liter di LPG Gas. E gas ta p'e mercado comercial di

Aruba y pa awor ta want'e te eynan.

## Inversion

E proyecto aki tin un inversion di mas cu 6 miyon florin. E rol di e compania Admiral LPG Services di Panama tabata pa diseña y construi e facilidad. Jose Morales, Presidente di Admiral LPG Services, a indica cu nan a haci tur trabou di ingenieria y logistica. E construccion di e planta tabata haci dor di un compania Arubiano mes y esey ta algo di hopi orguyo pa Aruba. E ta un transferencia di tecnologia hopi importante, pasobra ta keda personal califica pa tipo di obra asina aki.

E idea tabata di algun tempo caba, pero ora MetaCorp a opta pa aumenta inversionnan den pandemia, e proyecto aki a bin na luz di dia atrobe. A start den luna di november 2020, unda a cuminsa cu cumpramento di ekipo y material. A termina cu e trabou den luna di mei ultimo. Admiral LPG Services ta na Aruba pa supervisa e prome 'descarga' y tambe pa ofrece mas entrenamiento n'e personal. A haci esey na momento cu a traha e prome facilidad.

## Training

Tambe awor ta den e parti di training y pa laga tur cos cla, p'asina hende local por traha. Jose Morales ta orguyoso di e proyecto y a felicita comunidad di Aruba, pasobra esaki ta un avance importante pa loke ta economia di e pais y ta trece hopi beneficio p'e consumidornan. E inversion aki ta hisa e capacidad di EcoGas pa



suministra e mercado local cu gas.

Cada tanki ta di 120 mil galon, pero awor a hisa na 360 mil galon. EcoGas tabatin dos tanki chikito di 30 mil galon, pero cu e adkision nobo, ta pone cu e capacidad a aumenta te na 420 mil galon di gas.

"Nos ta consiente di nos responsabilidad corporativo y cu comunidad ta conta cu nos ta sigui in-verti y desaroya. Nos ta haci'e pasobra nos ta Arubiano y nos semper a para cu nos schouder bou di nos economia ora mas nos pais tabatin mester", asina Eddie de Veer a sigura. E ta corda e rol di su welo tempo cu Lago a bin establece na Aruba y despues di su tata, ora cu Lago a sera y cu nos pais a bay den turismo.

T'e ora ey MetaCorp a dicidi di, banda di nan negoshinan di cine y refresco, pa sigui den e industria di concreto, di hotel, di cerbes, di desperdicio, den laundry y awor tambe den negoshi di gas. "Den

e discurso di mi tata na celebracion di 100 aña di MetaCorp, el a anuncia cu e compania ta cla p'e siguiente 100 añanan di crecimiento y desaroyo. Y e tabatin'e den serio", asina Eddie de Veer a termina bisando.

MetaCorp, como compania madre di Eco-Gas tabatin palabranan di elogio so y admiracion p'e trabou duro cu e ekipo completo a desplega den preparacion y realizacion di e proyecto aki. EcoGas a bira un realidad den aña 2018. Nan ta situa riba un tereno banda di ATCO Concrete na Barcadera. Meta di e compania nobo aki ta pa maneha gas comercial pa restaurantnan, hotel, laundry y tur otro negoshi cu ta rekeri gas pa nan por opera. Claro cu e compania ta percura pa mas cupo di trabou.

EcoGas ta un subsidiario di MetaCorp, e unico compania netamente Arubiano cu ta existi pa 100 aña continuo y cu ta sigui inverti, innova y desaroya riba nos isla.





# Apoyo pa hofinan escolar ta esensial pa un futuro sostenible

ORANJESTAD -- Ora mi wak atras pero cu mira pa futuro, un di e logronan di gobernacion cu a wordo integra den e programa di Movimiento Electoral di Pueblo di 2021 pa 2025 ta e desaroyo di hofinan pa planta na nos scolnan. Mi mes tabata tin e placer di por a bishita dos scol, esta Colegio San Antonio y Colegio Laura Wernet Paskel, unda mi por a mira cu mi mes wowo e hofinan, scucha pa mi mes e entusiasmo cu maestronan tin pa e proyecto aki y con nos mu-

cha y hobennan ta siña den y di e hofi.

Mi ta apoya e tendencia aki y pesey mi kier usa e ehempel aki pa stimula mas ainda e hofinan na scol y e hofinan den bario. Nos muchanan mester por, mas cu simplemente lesando for di buki, traha cu nan mes man. Siña con ta hoyo, sembra, cuida y cosecha nan propio cuminda. E iniciativa aki ta di apoya y como parlamentario mi ta apoya esaki den tur forma posibel. Den e proximo periodo di gobernacion bo por conta

cu mi lo sigui encurasha y apoya esaki tambe. Mirando e importancia y balor di e hofinan aki, e proyecto como tal a keda agrega na e programa di Gobernacion 2021-2025 di nos partido Movimiento Electoral di Pueblo.

Ta importante pa nos lanta den muchanan e gana y e smaak di por sembra pa nan propio cuminda y satisfaccion. E ta un habilidad cu por yuda crea sernan humano cu ta capas di sobrevivir den tempo dificil pero tambe ta duna un grado

mas den independencia di cada persona riba nos isla. Un hofi, aunke con chikito, lo ta un stap den e direccion cu nos kier bay.

Mi ta para pa esaki. Mi ta para tras di iniciativanan cu ta yuda nos comunidad siña sembra pa nan mes. Mi ta para pa nos expande esaki y haci esaki algo estructural y productivo riba diferente otro nivel. Conta cu

mi pa den proximo periodo di gobernacion duna mas aporte na programanan pa sostenibilidad di nos sector primario. Si abo tambe ta kere den e pensamiento aki.

Si abo ta buscando un candidato pa yuda bo causa avansa.

Mi ta pidi bo e ora bo confiansa. Acerca mi y uni na e movecion pa hunto nos avansa.

## Kaso di ladronisia ku detenshon

WILLEMSTAD — Djaweps último, den oranan di mardugá, sentral di Polis a risibí informashon di un ladronisia ku a tuma lugá den un establecimentu riba Rooseveltweg. Na yegada di e patrulla el tuma nota di un vehíkulo koló pretu ku kuater sospechoso aden, ku na momentu ku e shofùr a nota presensia di e unidat policial, a kore ku velocidat

haltu bai for di e sitio.

Mesora a start ku un persiguishon tras di e vehíkulo aki ku a terminá den área di Kaya Dominiko Herrera. Despues ku e vehíkulo a aksidentá tur kuater sospechoso a sigui ku nan huida na pia. Polis a sigui ku e persiguishon na pia i a logra detené 3 di e sospechosonan aki. Den un investigashon den e outo

polis a haña i konfiská, un kantidat di artíkulo proseguido di ladronisia, tantu den e baul komo den e outo. Tambe a haña un revolver 357 i un pistol, ámbos kargá ku balanan skèrpi.

Ta trata di e sospechosonan maskulino: N.A.L. di 25 aña di edat, D.A.F.B. di 20 aña di edat i S.M.J.C. di 19 aña di edat, tur nasé na Kòrsou.

## Detenshon pa atrako

WILLEMSTAD-- Kon- tinuando ku un investi- gashon relashoná ku un atrako kometé dia 3 di aprel 2021 den área di un resòrt na Banda Bou, tim di atra- ko a hasi detenshon di dos hòmbes sospechoso. Djá- rason, alrededor di 09.55'or, polis a detené e hòmbes sos- pechoso J.C. nasé na Guan- dong di 27 aña di edat. De-

tenshon a tuma lugá na un establecimentu riba Win- ston Churchillweg.

Alrededor di 11'or tim di aresto a hasi detenshon di un sospechoso mas na kru- sada Weg naar Westpunt/ Kaminda Prospero Popo Rojer. Ta trata di e hòmbes sospechoso J.J.C.E. nasé na Kòrsou di 20 aña di edat. Durante di su detenshon

polis a haña i konfiská un arma di kandela, un outo i mas artíkulo. Tambe polis a tene entrada hudisial den un kas na Barber i a konfiská artíkulonan ku ta di impor- tancia pa e investigashon.

A presentá e sospecho- sonan dilanti un fiskal ouk- siliar ku a ordená nan en- karselamentu pendiente di mas investigashon.

## Kaso di tiramentu ku herido

WILLENSTAD-- Djá- rason alrededor di 18.30'or, sentral di polis a haña no- tifikashon di un kaso di ti- ramentu ku a tuma lugá na un kas na Montagne Rey. E unidat ku a yega na e sitio a topa ku un hòmbes ku heri- da di bala na su pia.

E hòmbes sospechoso despues di su akto a drenta un vehíkulo i bai for di e si- tio. Ambulans a transportá e víktima pa departamentu di emergensia di C.M.C. pa mas tratamentu médiko.

Investigashon den e kaso aki ta kontinuá.

## Kontròl di tráfiiko

WILLEMSTAD -- Djá- rason personal di De- partamentu di Tráfiiko hun- tu ku un klas di aspirante pa polis a tene un kontròl di tráfiiko. E kontròl aki a tuma lugá di 11.00 or di mainta pa 12.30 or i a keda tené riba

Winston Churchillweg.

E personal a kontrolá un total di 23 vehíkulo, a repartí 16 prosèsferbal pa diferente infrakshon kome- té i 2 vehíkulo a keda kon- fiská. E kontròlnan aki lo kontinuá.

## Detenshon relashoná ku kiebro i ladronisia

WILLEMSTAD-- Kon- tinuando ku un investi- gashon relashoná ku dife- rente kiebro i ladronisia ku a tuma lugá entre yanüari pa mei 2021 den área di Tera Kòrá, e tim di warda di polis Barber ku ta inve- stigá e kasonan ariba men- shoná, a hasi un detenshon.

Djamars último, alre- dedor di 11.05'or riba òrdu

di fiskal di Ministerio Públiko, polis a detené e hòmbes sospechoso J.E.V. nasé na Kòrsou di 57 aña, relashoná ku e kasonan ariba menshoná. Deten- shon a tuma lugá den bario di Tera Kòrá. A presentá e sospechoso dilanti un fiskal ouksiliar ku a ordená su en- karselamentu pendiente di mas investigashon.



# Rekordando 45 año Extra



Extra 6 di mei 1978: Djabièrnè atardi den presensia di vários invitado, a tuma lugá e traspaso ofisial di e ekiponan di komunikashon den e toren di kòntrol di Flamingo Airport di Boneiru, dor di e kompania Radio Holland Caribbean NV na e departamentu di aviashon di Antianan Hulandes.

Na tal okashon tabata presente di gobièrnu di Boneiru diputado Winklaar i miembro di staten di eilandsraad, Rudy Ellis. Ku e traspaso di djabièrnè último, Flamingo Airport ta

konta awor ku un toren di kòntrol sumamente moderno den Caribe.

E direktor di Radio Holland Caribbean NV a hasi uso di e oportunidat ei, pa entregá un gesto na sr.

Plaate, kende tabata presente den re-presentashon di e departamentu di aviashon di antianan Hulandes. Riba e foto nos por mira dr. Andriesen di Radio Holland (na man drechi) hasiendo entrega di un gesto na Sr. Plaate.



## Programanan di Bonaire.tv TELBO kanal 70 Flamingo TV kanal 23 Djasabra 5 yüni 2021

12.00 Herensia:	Egidio (Buchi) Frans 1	18.00 Herensia:	Godofrido (Shon Fi) Jansen
13.00 AkíBoneiru:	Militar riba Boneiru	19.00 BAPA:	Elsmarie Beukenboom
14.00 Herensia:	Cayetano Elco Nicolaas & Flora		
15.00 BAPA:	Equador (Montañita)	20.00 Herensia:	Elvia Domitilia Blanken-Martis
16.00 Herensia:	Jozef Cornelis Alfonso Zimmerman	21.00 Dokumental:	Antriol - Den Tera Antriol
17.00 AkíBoneiru:	Classical Music Board	22.00 Herensia:	Luis Nicolaas
	Wilhelminapark	23.00 BAPA:	Ashley Thomas

## Djadumingu 6 yüni 2021

12.00 Herensia:	Maura Christina Janga-Saragoza	19.00 BAPA:	Equador (Montañita)
13.00 Dokumental:	Tera Kora - Mundu Nobo Pa Tera Kora	20.00 Herensia:	Jozef Cornelis Alfonso Zimmerman
14.00 Herensia:	Donna Piar	21.00 AkíBoneiru:	Classical Music Board
15.30 Puerto Latino:	Luis Zárraga		Wilhelminapark
16.00 Herensia:	Egidio (Buchi) Frans	22.00 Herensia:	Godofrido (Shon Fi) Jansen
17.00 AkíBoneiru:	Militar riba Boneiru	23.00 BAPA:	Elsmarie Beukenboom
18.00 Herensia:	Cayetano Elco Nicolaas & Flora		

Tur mèrdia 12'or ta kuminsá un programashon nobo di 4 ora.  
E programashon aki ta ripití pa 24:00.



## MONCHI & TONCHI

Awor sí a kaba. Fiskalnan mes ta bira akusado.

Awèl sí. Mundu a bira manera ariba'bou!



### KOLOFÓN

Editor Bonaire  
Communication  
Services N.V.  
Kaya Irlanda 12,  
Tel. 717-8482  
E-mail:  
extrabon@gmail.com  
Wèpsait:  
www.extraboneiru.com

Direktor  
Shirley Martis  
785-3824  
796-3824

Hefe di redakshon  
Bòl Antoin  
786-6818

Redakshon  
Ludovico Nicolaas  
Davienuska Janga  
Velli Gijsbertha  
Ibi Piar (deporte)

Partner na Aruba  
Awe Mainta

Layout  
Josella Martinez

Aviso  
avisobon@gmail.com

## Pronóstiko di tempu pa Boneiru Djasabra 5 yüni 2021



Awe ta parsialmente nublá i lo keda predominantemente seku. E temperatura máximo lo ta aproksimadamente 32°C, e temperatura mínimo mas o ménos 26°C. E bientu ost ta moderá te basta fuerte, 4-5 Bft.

Altura di ola: 1.5-2.0 m (5-7 pia).

\* Altura di ola válido pa laman grandi



# Palabrashonnan pa drecha i mantené diferente Sentro di Bario firmá

KRALENDIJK — Ta renobá Sentro di bario Nikiboko kompletamente. Esaki ta parti di palabrashon hasi entre diputado Nina den Heyer i Ben Oleana di Fundashon Cas Boneriano ku a keda firmá durante un seremonia na kantor di Kolegio Ehekutivo. Aparte di e sentro di bario Nikiboko a palabrá di pone atenshon i mantenshon na sentronan di bario na Nort'i Saliña, Ambolina, Tera Kòrá i Antriol / Family Justice Center.

Komo parti di e proyek-

to di desaroyo integral di bario (integrale wijkontwikkeling) di Direktorado di Komunitat i Kuido, a traha un programa dirigí riba trabou komunitario, trabou di bario i bida den bario. E trabounan de FCB lo inklui e drechamentu i mantenshon di e sentro di barionan.

E proyekto di desaroyo integral pa barionan (IWO), tin atenshon tantu pa e aspektonan físiko komo e aspektonan sosial den bario. Tur esaki pa mehorá e kalidat

di bida di e habitante nan den e bario. Mirando ku e sentro di bario ta hunga un papel importante den esaki, Entidat Públiko Boneiru a opta pa duna prioridat na e renobashon di e sentro di barionan pa nan por fungi atrobe komo lugánan di enkuentro unda hóbennan i mayornan ta bini huntu pa siña i dibertí. Tin ku pensa riba entre otro aktividatnan manera kurso di mekániko, baile, arte, kultura i músika, èts.

Ademas, e sentro di barionan tin un papel speshal den e promoshon, stimulá protekshon di kultura di Boneiru i na mes momento, pone énfasis riba un sosiedat multikultural positivo ku un koheshon sosial fundamental.

E koheshon sosial ta un di e pilarnan di desaroyo di e kalidat di bida den e



barionan; unda e habitante nan ta biba huntu kómodamente i tin e mesun oportunidatnan pa bienestar i prosperidat. Ademas, e koheshon sosial di habitante nan ta funshoná komo un elemento fundamental pa desaroyo sosial di henter Boneiru. Esaki ta kontribuí

na e desaroyo ekonómiko sostenibel riba e isla, perseverando asina e naturalesa i e kultura.

FCB ta kuminsá dentro di poko ku e trabounan di renobashon na e sentro di bario Nikiboko, pa pronto e bario por disfrutá di un bunita sentro di bario.

before \$16,995



now \$14,995

**ALSVIN**

full option - automatic

5  
Year Warranty



CHANGAN AUTO

dabboussi  
motors

f /dabboussimotors

786.6662